

中華民國郵局特准掛號認爲新聞紙類

# Ta Tung 大

# 同

民國四年九月十五日發行

每月一册

編輯所 上海北四

川路一百四十

三號

民國四年第九册

南京圖書館藏

## 本報改組月報廣告

本報自甲辰年發刊以來迄今已逾十稔久蒙社會所獎許惟本報素抱大同主義內容完備議論平正其發行本意實以貫輸智識扶助道德爲志願初非意存牟利故譯輯印刷紙張鑄版莫不精益求精需費頗鉅近因歐戰影響工料加增故不得不從事改組自民國四年正月爲始改爲月報每月一冊全年十二冊每冊大洋二角定閱全年連郵費減收二元本報主任莫安仁君甫由歐回華搜集材料至爲豐富并聘請名人襄助譯著一切內容大爲擴充每期至少七八萬言約區撰論譯論評論譯林紀事文苑小說筆記插圖公文其譯著各篇皆於現世最新之理論中國最要之計畫相關復徵求海內文豪訂撰救時偉論必期貫徹本報所具之志願益求完美以副愛讀本報諸君之期望倘海內文學家慨以論著詩歌及最新之攝影見示經本報刊登後當必從優酬潤如蒙定閱全年務乞先期惠示空函恕不奉覆專此佈告諸惟

公鑒

上海大同報記者敬啓

發行所河南路四百四十四號  
編輯所北四川路一百四十三號

# 大同月報民國四年第九冊目錄

第一卷第九號即十一月  
第五百五十四期

## 圖畫

意大利爬山軍進攻奧國尼羅山之圖  
美國自由鐘

## 論著門

### 社論

參觀山西模範監獄記  
預測與前知  
適法之罰金

### 外論

共和與君主  
意大利未宣戰前國內之情形  
英國哈米騰將軍進攻加里波釐報告書  
俄國之國令  
塵埃之害  
蒙太紹理兒童教育新法 (續)

### 評論

國體與政體  
清史與酷吏傳

## 紀錄門

### 中國大事記

籌安會之成立  
子晦若先生逝世

### 外國大事記

各國近聞

### 命令

策令一道  
申令一道  
批令二道

### 文牘

司法次長江庸呈請培養司法元氣文

司法部呈駁張鳴岐呈報楊道違法受賄一案諸多錯誤並請  
嗣後遇有此類案件仍由部分別呈報文  
歡迎誦閱月霞兩法師講經啓

## 譯述門

### 哲學類

德國哲學家赫奇學說之概要 (續)

莫安仁 許家惺

### 政治類

中華民國三年之外國貿易 (續)  
英國治印問題 (續)  
改良社會策 (續)

莫安仁 王調生  
衡德森 鍾春暉

### 傳記類

李司特耳傳略 (續)

王調生

### 宗教類

基督誠命 (續)

莫安仁

## 雜纂門

### 智叢

飼積記 (續)

邵筱翊

### 文苑

一誠齋詩存遺稿  
問高齋齋詩錄

許傳需 許家惺

英格蘭詩

邵筱翊譯

### 雜俎

宣戰週年日各國對於英國之頌詞 英國封鎖海港與美國  
之交涉 澳洲援助傷兵費之募集 日本來年預算與美國  
不敷出 論日本學制一 論日本學制二 戰事與社會  
改良 奇坡烈之劫後餘灰

### 筆記

仰亭攀柏居筆記  
問高齋齋筆記

許傳需 許家惺

莫安仁 莫安仁 莫安仁 古德諾 莫安仁 莫安仁 王調生 王潤齋 王潤齋

# Ta Tung Pao

Vol. XXI, No. 9 | September 15th, 1915 | Third Series

## Principal Contents

### Illustrations:—

The Alpini capturing Nero heights.  
Liberty Bell.

### Leading Articles:—

Model Prison, Tai Yuan Fu.....Editorial  
Prophecy and Prognostication ..... ”  
Legal Fines (*To be continued*)..... ”

### World Topics:—

Republic and Monarchy..... ”  
Italy and the War..... *Contemporary Review*  
The landing in Gallipoli, Official Report of Sir Ian Hamilton  
The “So-Called” Parliament of Russia..... *Outlook*  
The Evils of Dust (*To be continued*)  
Montiessori and Education (*concl'd*)..... *World's Work*

### Critiques:—

Nationality and System of Government.....Editorial  
The Tsing History and Biography..... ”

### Chinese and Foreign News:—

#### Translations:—

Philosophy:—Nietzsche's Philosophy (9)  
Politics:—Foreign Trade of China (*concluded*)  
India: Burmese Problems.....J. Chailley  
Social Programmes of the West  
(*continued*).....C. R. Henderson, Ph.D.

Biography:—Lord Lister.

Religion:—The five precepts.....R. F. Horton, D.D.

### General Knowledge:—

The feeding of calves (*continued*).....*British Board of Agriculture.*

### Poems

Chinese  
England.....An American Lady

### Miscellaneous:—

The British Empire. U.S. and the British Blockade. Australian help for the wounded. Deficit in the Japanese Budget. A lack of moral training in Japanese Education. War and Social Reform. Ruin of Ypres.

### Journals of Famous Chinese.

PUBLISHED BY

THE CHRISTIAN LITERATURE SOCIETY,  
143 North Szechuen Road, Shanghai.

Address all communications to the editor, EVAN MORGAN.

Price \$2 per annum; 20 cents per copy. Payment to be prepaid by cheque or postal order,  
*not in postage stamps.*


意大利大軍進攻奧國尼羅山之圖



意大利鄰近德奧之地。悉係高山。故意兵士有一特別隊伍。名曰爬山軍。其於戰爭時。得有大名譽。今已達其目的。此次戰事。所過之山。均極高峻。例如有一山名駝賴爾(Tornio)。本無道路。乃循羚羊所行之路。用鎗刺以攻奧人。其本領可想見矣。本圖為尼羅山(Niro)山。高凡九千尺。險峻異常。爬山軍於午夜亦足登之。至天明達山頂。計自下至上。祇兩小時。奧人初謂該地險峻。無人敢登。未事防備。孰料意兵攀登之隊。毫無聲息。及至山頂。奧人竟未知覺。故山上砲台。為意攻陷。盡俘守台奧人。而意軍毫無損傷云。

南京圖書館藏

美 國 自 由 鐘



美國獨立時所用之鐘。稱爲自由鐘。向置菲納德菲亞 Philadelphia 城。每逢七月四日。獨立紀念期。前來瞻仰者約五萬人。近因巴拉瑪賽會。特移置於會中。供人觀覽。當運送時。道旁觀者羣啓自由思想。夫以用於自由之鐘。後人視之。尙珍重寶貴。冀其垂諸久遠。則事之大於鐘者。其應珍重更何如哉。嗚呼。觀此圖者。可以知所醒悟矣。



## 論 箸 門

### 社 論

參觀山西模範監獄記

莫安仁

刑罰主義。今與昔異。昔取威嚇主義。今用感化主義。昔尙嚴酷。使犯人受苦。今主博愛。使犯人悔悟。昔以犯人爲可惡。不以人類相待。今以犯人爲可憐。感化之後。冀其出獄不致流爲失業游民。蓋自監獄改良根本上之主義。今昔迥殊也。

七十年前。英相嘉納斯頓。游意大利。觀拿坡尼監獄。殘酷黑暗。不合人道。著論寄載英報。一時見者。羣爲感動。力謀監獄之改良。慈善家浩爾 J. Howard 考察監獄。亦極衆多。故二人爲英國改良監獄之先導。法蘭西大革命時。巴士的監獄。首先被攻。可知野蠻監獄。最失民心也。專制政府。虐待囚徒。一囚不以人類視。犯人獄官。暴虐視爲當然。二因置異。已於監獄。冀以酷刑。速害其身。往日報紙。無多交通。不便普通人民。於囚徒之痛苦。毫無所知。故雖暴虐。尙不爲害。今則非其時矣。

歐洲近百年來學界政界羣注意於改良監獄一事。監獄學成爲獨立科學。所謂犯罪原因學。刑事感化政策。幾爲國民共曉之義理。故執政者研究改良不克復如往日威嚇行事。今此現象亦輸入於中國。余於三十年前曾觀太原監獄。今復至晉觀模範監獄。種種布置。今昔迥異。蓋新主義已行於太原矣。房屋建築一依新式。灑掃清淨。窗多且廣。空氣流通。極便衛身。進門爲獄官辦事室。次爲第一號囚室。有囚四五十人。注內做線。次爲第二號室。各囚織地毯。線帶均佳。第三號室爲染房。蓋習染業者也。此外有製鞋者。有印書者。有爲成衣者。有爲木工者。並有在室內讀書者。大抵囚入監時。問以向作何事。按其從前之職業。使入某室工作。向無職業者。則察其性質。因其所好而教之。蓋管理宗旨在於教育感化。而盡革威嚇虐待之舊習。則全監精神之所在也。

囚徒工作按日提取工錢。二三十文。由獄官代爲收藏。俟釋放時給之。俾其不致徒手而出。衣服約十日洗換一次。越七日一沐浴。浴室極清潔。飯食大半爲小米。越七日食麪一次。臥室有雜居。有獨居。由獄官按犯人性質。定之病室及醫藥室。均布置整齊。此外有體操場。行刑場。皆新式也。余觀山西監獄。如斯完善。實不勝欽佩。惟有二事。思爲當局告者。一對於精神病人之安置。余見以一瘋人置於黑屋。三月不許之出。心中實極不忍。對於精神病人。應許其安樂活動。病乃易痊。置之黑室。似非人道也。二暗室之設置。各國監獄雖設此室。以待不法囚徒。余意究非人道。所許文明日進。此制終



當廢之。

獄中遇講演日。偶請耶穌教士進監演說。余於參觀時對各囚徒演說『希望』之理。余教各人希望釋放。有二義。一法律上之釋放。即期滿出獄是也。一道德上之釋放。即誠信悔悟是也。人之犯罪不但違犯法律。且因私欲而違道理者甚多。余見各囚犯罪處刑。心中曷勝憐憫。特以耶穌教人希望悔悟之旨傳之。彼各人者其誠信悔悟乎。余實旦夕望之。

獄內每年支出四萬八千元。作工資本在外。其額爲六千元。工品之收入則二千元。

### 預測與前知

莫安仁

預測者人人共有之心理也。不問何國智愚賢不肖無不樂於爲此預測之當否。依人之智識程度定之。而發生之原因則多由於外界之感動。大抵承平之時預測甚少。有事之秋預測特多。斯爲普通之現象。聞人預測之言不必加以訾議。亦不可輕易信從。預測爲人之思想。不可以命令禁止。惟與聖哲之前知分別觀之可耳。預測與前知同爲論斷未來之事。預測或有不當。聖哲前知則無不當者。腦威人麥特林 Maeterlinck 氏以前知與預測合併言之。謂『人同此心。不能謂此爲測而彼爲知。二者之間無界限可言。』氏雖如斯解釋。吾人究以小心審別爲較穩當也。

吾人觀聖哲之前知可悟。辨別預測之法。例如古哲以賽亞對於未來之事。皆前知而無所誤。吾人考其

以何能力而後致此則於預測之真偽當否自不難洞悉矣古哲前知之所本者約有三事分述於次

(一)明悉歷史於古今人物事跡博考詳稽一民族之性質一地方之習慣一人之性情知識無不了然於胸則鑑往知來自能言必有中

(二)注重實用於一切理想皆期與實用相合置理想於事實之中言皆有物人自樂於信從

(三)受天道之感力三事之中斯爲最重人生行事雖不能謂全由神助然神之能力實爲萬事之根本上帝不空助人惟人研究歷史注重實用而更得上帝之助受天道之感力則發輝光大自能言爲天下法則古哲以賽亞以得道理之助而歸於本所謂本者卽上帝與天國之道義也以賽亞知上帝爲萬事之本爲判斷萬理之主故於世界各事無不前知世人倘能知所效法識其本務則前知之力量雖未敢上比前哲然其能力固因之而生矣

數年前比利時人薩若理 *Saunders* 氏在英爲教員著書論德國之前途一時見者雖均詫異而信之者尙不甚多今則所言日漸實驗矣薩氏之書非如泛泛預測徒陳空理蓋卽由歷史實用天道確切推演以得之者也

真前知者不獨論人且論自己古哲以賽亞垂示未來恆言其本國之事蓋前知之職分在教國家知所儆戒對於本國之責任視對他國尤爲重要真前知之有益人國職是故也真前知之言論大抵就現時

之應興應革以爲凡例不必專述未來近時自詡爲前知之士祇講他國而不顧本國祇言人之非是而不論整理方法斯乃不明前知之職分者也

今茲世界正值多事之秋天國聖神或爲吾人生真前知說明前途之命運使吾人知所趨避而不致永淪黑暗吾人實深望之吾人身爲庸衆不敢高談世事然天下興亡匹夫有責前知識量雖不敢及亦須努力學之吾人今日不但應置心於世界大事卽一人之身亦多不可忽略歐戰以來損失宏多戰事畢後必難如舊舊日剝造之事何者合乎公道何者背乎天理上帝必將據以審問吾人吾人今日必不可不切實研究以求得一正軌歐人於此不可忽略亞洲人於此亦復如是若東亞有不合天道之舉動敢信其國必日衰微及茲醒悟速圖改良此吾人再三欲爲人忠告者也

普通言改良者大半徒重形式而不事本務見某國之法制文明倣而行之此形式上之改良未足爲根本上之至計也根本上之改良維何曰改正人心是已耶穌恆言『置天國於世界』天國何以現於人世曰人能依從教旨恪守悔改主義則受上帝之感化改良各事自容易矣嗟吾同胞誠能慕道向義依從基督則前途之幸福自然日進無疆矣歐洲如此則此後百年必較前百年爲佳中國如此人人悔改去其私心而守道義則自強興盛亦指顧問事也當世不乏愛國君子其以爲前知之言而不以尋常預測視之則記者馨香祝之矣

適法之罰金

庸齋

約法第五條第一款曰：人民之身體，非依法律，不得逮捕、拘禁、審問、處罰。罰金者，爲「罰」之一種。故科人罰金，非依法律，不可。依法律一語之定義，卽處罰之罪及罰金數目，皆須法律上豫有明文規定。詳言之：(一)須其事在法律上有科罰金之明文，反之如以賭博爲常業者，刑律上無罰金之規定，卽不得對之科罰金。(二)須所科之數與法律上規定之數相合，反之如過失輕微傷人，刑律上規定一百圓以下罰金，若所科之數逾一百圓，卽爲違法。茲將中華民國現行法律關於罰金之規定彙錄於次。

第一 刑律上之罰金 刑律上之罰金分兩種：(一)「豫定應罰數目」者，例如某罪處若干圓以下罰金是也。(二)「祇言倍數而應罰之數須因案定之」者，例如某罪併科所得價額二倍以上價額以下罰金是也。分述之。

(一)豫定應罰數目者 此中又分兩類：(甲)「或科」者，卽其罪或科徒刑、拘役或科罰金者。(乙)「必科」者，卽其罪在法律上必科罰金者。是茲按數目之多寡，列舉如左。

(甲一)或科二千圓以下二百圓以上罰金者 1、因過失致生危害於外國君主或大統領者。(一一九條) 2、對外國君主或大統領有不敬之行爲者。(一一〇條)

(甲二)或科二千圓以下一百圓以上罰金者 1、從事此等業務之人犯第二一四條第二項之罪者。

(二二四條)

(甲三)或科二千圓以下罰金者 1、指揮船艦之人或其代理。自犯第三〇五條之罪。或知有人犯罪而不禁止者。(二〇五條) 2、因玩忽業務上必要之注意。致人死傷者。(二二六條)

(甲四)或科一千圓以下一百圓以上罰金者 1、對外國使節。有強暴或脅迫之行爲者。(一二三條)

2、於聚衆爲強暴脅迫之事。執重要事務者。(一六五條之二) 3、決水。侵害第一九二條所列以外之他人建築物。鑛坑。或土地者。(一九三條) 4、於火災水災之際。隱匿。損壞。防禦之器械。阻遏從事防禦之人。或以他法妨害鎮火防水者。(一九六條) 5、因過失傷尊親屬。致死或篤疾者。(三二五條之一)

6、爲他人處理事務。圖利自己。或第三人。或圖害本人。背其義務。而損害本人之財產者。(三八三條) 7、損害他人所有建築物。鑛坑。船艦者。(四〇五條)

(甲五)或科一千圓以下罰金者 1、預備或陰謀犯第一〇八條第一〇九條及第一一三條之罪者。(二一五條) 2、預備或陰謀犯第一二二條及一二七條之罪者。(二三〇條) 3、放火。燒毀他人所有建築物。鑛坑。船艦以外之物者。(一八八條) 4、因失火而致有第一八六條之損害者。(一九〇條)

5、因過失決水而致有第一九二條之損害者。(一九五條) 6、從事此等業務之人。犯第二一四條第一項之罪者。(二二四條之三) 7、吸鴉片煙者。(二七一條)

(甲六)或科五百元以下五十元以上罰金者 1、知爲軍事上祕密之事項。圖書物件。而刺探收集者。

(一三四條) 2、未受允准將軍港、要港、防禦港、堡壘、礮臺、水雷衛所及其他為防禦而設之建築物測量、摹繪、拍照、或記錄其形狀者。(一三六條) 3、未受允准或以詐術得受允准而入堡壘、礮臺、水雷衛所及其他為防禦而設之建築物內者。(一三六條之二) 4、官員知情而為第一五八條第一項之登載或變更者。(一五八條之二) 5、損壞電信線、電話線、電信電話之機器、建築物或以他法妨害其交通者。(一一六條之二) 6、以強暴、脅迫、藥劑、催眠術、或他法、至使不能抗拒、而為猥褻之行爲者。(一八三條之二)

(甲七)或科五百元以下罰金者 1、對外國使節有侮辱之行爲者。(一一四條) 2、因失火而致有第一八七條第一項之損害者。(一九〇條) 3、因過失決水而致有第一九三條之損害者。(一九五條) 4、因過失、衝撞、顛覆、破壞、擱沈載人之氣車、電車、船艦者。(二二四條) 5、因過失傷人致死或篤疾者。(三三四條) 6、因過失傷尊親屬致廢疾者。(三三五條)

(甲八)或科三百元以下三十元以上罰金者 1、對選舉人、選舉人親屬、或選舉關係人、施強暴、脅迫者。(一六〇條) 2、對選舉人以強暴、脅迫、妨害其於選舉會場之往來及其他選舉權之行使者。(一六〇條) 3、以文書、圖畫、演說、或他法、公然煽惑他人犯最重刑為死刑無期徒刑之罪者。(二二二條) 4、對未滿十二歲之男女、為猥褻之行爲者。(二八三條) 5、對十二歲以上男女、以強暴、脅迫、藥劑、催眠術、或他法、至使不能抗拒、而為猥褻之行爲者。(二八四條) 6、毀棄關係他人權利、義務之文書者。(四〇四條)

未完

# 外論

共和與君主

古德諾

一國必有其國體。其所以立此國體之故。類非出於其國民之有所選擇也。雖其國民之最優秀者。亦無所容心焉。蓋無論其爲君主或爲共和。往往非由於人力。其於本國之歷史習慣與夫社會經濟之狀況。必有其相宜者。而國體乃定。假其不宜。則雖定於一時。而不久必復以其他之相宜之國體代之。此必然之理也。約言之。一國所用之國體。往往由於事實。上有不得不然之故。其原因初非一端。而最爲重要者。則威力是已。凡君主之國。如推究其所以然。大抵出於一人之奮往進行。其人必能握一國之實力。而他人出而與角者。其力常足以傾踏之。使其人善於治國。其子姓有不世出之才。而其國情復與君主相合。則其人往往能建一朝號。繼繼承承。常撫此國焉。果能如是。則國家有一困難之問題。以共和解決之。固無寧以君主解決之也。蓋君主崩殂之日。政權之所屬。已無疑義。凡選舉及其他手續。舉無所用之。英人有恆言。吾王崩矣。吾王萬歲。蓋卽斯義矣。雖然。欲達此目的。必其繼承之法業已明白規定。而公同承認者。乃可。否則君主晏駕。覬覦大寶者。將不乏人。權利之競爭。無從審判。其勢將不肇內亂不止也。以歷史證之。君主國承繼問題。能爲永遠滿意之解決者。莫如歐洲各國。歐洲之制。君位之繼承。屬之長子。無子則以近支男丁之最親最長者充之。惟繼承之權利。許其讓棄。故如有長子不願嗣位者。卽以次

子承其乏。此繼承法之大要也。如不定繼承之法。或以君位之所歸。由君主於諸子及親支中選擇之。而初無立長之規定。則禍亂之萌。將不可免。奸人之窺竊神器者。實繁有徒。必將於宮闈之間。施其密計。人主垂暮之年。徒足以增長其疾痛。而其結果所至。雖或幸免兵禍。亦必以大寶不定。致費周章。蓋事之至危者也。歷史之詔我者如此。是故就政權移轉問題觀之。君主制所以較共和為勝者。必以繼承法為最要之條件。即所謂以天潢之最長者為君主是已。

近古以前。無論其在亞洲或在歐洲。大抵以君主制為國體。間亦有例外者。若溫尼斯。若瑞士。皆用共和制。然其數較少。且皆小國為然。其在重要之國。則世界中大抵皆采用君主制也。近一百五十年。歐洲舉動忽為一變。大有舍君主而取共和之趨勢。歐洲大國第一次為共和制之嘗試者。厥惟英國。十七世紀中。英國革命軍起。英王查理第一。經國會審判。定為叛逆之罪。處以死刑。其時乃建立共和制。號民主政治。以克林威爾為監國。蓋即大總統也。克林威爾統率革命軍。戰勝英王。故能獨操政柄。然英國共和之制。僅行數年。終歸失散。蓋克林威爾故後。監國繼承問題。極難決定。克林威爾頗思以其子力次爾自代。然卒以英國當日人民不適宜於共和。而力次爾又無行政首長之才。故英國之共和。忽然消滅。英人於是舍共和制。復用君主制。而查理第一之子查理第二。乃立為君。蓋不獨為軍隊所擁戴。而當時之輿論。亦皆贊成云。歐洲民族為第二次共和之嘗試者。實為美國。十八世紀時。美洲革命既成。而合眾國



之共和制立焉。夫美國之革命。初非欲推翻君主也。其目的但欲脫英國而獨立耳。乃革命成功而後。其勢有不能不用共和制者。蓋其地本無天家皇族。足以肩政務之重。且前世紀在英國贊助共和之人。多移居美洲。常以共和學說灌輸。漸漬入於人心。雖其人已往。而影響甚遠。故共和國體。實爲當時共同之心理。然當日統率革命軍爲華盛頓。使其人有帝制自爲之心。亦未始不可自立爲君。乃華盛頓之宗旨。尊共和而不喜君主。而又無子。足以維其後。故當合衆國獨立告成之日。卽毅然採用共和制。百餘年以來。未之或替焉。

夫美國之共和。自成立以至今日。其結果之良好。不問可知。共和制所有之聲譽。實美國有以致之。然美國未成共和以前。久承英國之良法美意。而英國之憲法及其議院政制之行於美國。已逾百年。故一千七百八十九年。美國之由藩屬政府變爲共和者。初非由專制而躍爲民主也。政體未易以前。其備之已豫。而自治之精神。亦已訓練有素也。不特此也。當日美國之民智。已臻高度。蓋自美洲歷史開始以來。已注意於普通學校。五尺之童。無有不知書識字者。其教育之普及。蓋可想見矣。

美國共和之制。成立未久。聞風而起者。又有法國之共和國焉。顧法國未宣告共和以前。本爲專制之政體。一切政務。操於君主。百姓未能與聞。其人民於自治政制。絕少經驗。故雖率行共和之制。而不能有良好之結果。騷擾頻年。未由底定。而軍政府之專橫。相繼代興。拿破崙失敗後。重以外人之干涉。帝制復活。

一千八百三十年經二次革命。雖仍帝制。而民權稍張。迨一千八百四十八年。帝制再被推翻。復行共和。制以拿破崙之姪爲大總統。不意彼乃推翻共和。復稱帝號。直至一千八百七十年普法戰後。拿破崙第二被廢。最後之共和制乃復發生。今此制之立。近半百年。以勢度之。大抵可望行之久遠也。

雖然。法國今日之共和制。固可望久遠。而其所以致此之故。實由於百年之政治改革而來。此百年中。既厲行教育。增進國民政治之知識。以立其基礎。復使國民與聞政事。有自治政制之練習。故共和制可得而行也。且法美兩國於國家困難問題。頗有解決之法。蓋卽所謂政權繼承問題是也。法國之大總統由議院選舉。美國之大總統則由人民選舉。此二國者。其國民皆因與聞政事。有自治政制之經驗。而近今五十年間。兩國皆注重普通教育。廣立學校。由政府補助之。故兩國之民智皆頗高尚也。

十八世紀之末。美法兩國既立共和制之模範。於是南美、中美、各國舊爲西班牙屬地者。皆宣告獨立。相率效之。以諸國當日之情形而言。亦略與美國相類。蓋當獨立告成之時。共和制似最合於事實。其地既無皇族足以指揮人民。而北美之共和。又適足爲之先例。輿論一致。羣以共和爲政治之極軌。無論何種國家。何等人民。均可適用此制。故一時翕然從風。幾無國不行共和制焉。然各國之獨立。係由竭力爭競而來。亂機既萌。未能遽定。而教育未遍。民智卑下。其所素習者。專制之政體而已。夫民智卑下之國。最難於建立共和。故各國勉強奉行。終無善果。雖獨立久。慶成功。而南美、中美諸邦。竟長演混亂不寧之活劇。

軍界鉅子相率而奪取政權。卽有時幸值太平。亦祇因一二偉人。手握大權者。出其力以鎮壓之。故可收一時之效。然此手握大權之人。絕不注意於教育學校之設立。闕然無聞。人民亦無參知政事之機。以養成其政治之經驗。其卒也。此偉人老病殂謝之時。壓制之力弛。攘奪大柄之徒。乃紛紛並起。誠以政權繼承問題。無美滿之解決也。於是前此太平時間。所有進行之事業。至是乃掃蕩而無餘。甚且禍亂頻仍。竟陷於無政府之地位。而全國社會經濟情形。無不盡受其蹂躪矣。

墨西哥近年之事。在南美中美各國。業已數見不鮮。蓋共和制不合於其國經濟政治之狀況者。必有如是之結果也。爹亞士爲軍界之領袖。獨握政權。當其爲大總統時。政治問題似已解決。然爹亞士既未厲行教育。且禁壓人民。不使參預政事。及年將衰邁。權力漸殺。革命之旗幟。既張。爹亞士遂盡失其政柄。自爹亞士失政後。軍隊首長紛紛構兵。國內騷騷。至今未艾。以今日墨西哥情勢觀之。除外人干涉外。蓋別無他術。足以爲政治問題之解決矣。

南美各國中。亦有數國。用共和制而頗有進步者。其尤著者。則阿根廷。智利。巴西三國是已。阿根廷及智利兩國。初建共和時。騷擾紛紜。久未平定。然其後乃漸安寧。頗享太平歲月之福。至巴西則自二十五年。前建立共和制以來。雖略有騷動。而共和之命運。實屬安平。然此三國於立憲政體。皆能極力進行。十九世紀之初。阿根廷及智利兩國。久已力爭進步。而巴西則未立共和之前。在帝國時代。業能鼓勵人民。使

之與聞國政。故二國得此結果者。非偶然也。

就南美中美各國之已事。並合法國及合衆國之歷史觀之。其足供吾人研究之點如左。

第一 行共和制者。求其能於政權繼承之問題。有解決之善法。必其國廣設學校。其人民沐浴於普通之教育。有以養成其高尚之智識。而又使之與聞國政。有政治之練習。而後乃可行之。而無弊。

第二 民智低下之國。人民平日未嘗與知政事。無政治之智慧。則率行共和制。斷無善果。蓋元首既非世襲。大總統承繼問題。必不能善爲解決。其結果必流於軍政府之專橫。用此制者。雖或有平靜之一時。然太平之日。月實與紛亂之時期相爲終始。妄冀非分之徒。互相抵抗。競奪政柄。禍亂將不可收拾矣。

不寧惟是。以今日現狀而言。歐西列強將不容世界各國中有軍政府之發生。蓋徵諸已事。軍政府之結果。必召大亂。此誠與歐西各強國利害相關。蓋其經濟勢力久已膨漲。歐人之資本及其商務實業之別派分枝者。所在皆是。故雖其與國政府所採用之制度。本無干涉之必要。然其權力所及。必將有所主張。俾其所用之制度。不至擾亂治安。蓋必如是。而後彼輩所投之資本。乃可得相當之利益也。極其主張之所至。勢將破壞他國政治之獨立。或且取其國之政府而代之。蓋苟必如是。而後可達其目的。則列強亦將毅然爲之。而有所不恤也。故自今以往。一國之制度。將不容其妄自建設。致召革命之紛亂。再蹈南美洲前世紀之覆轍。今後之國家。當詳慎定制。維持治安。否則外人之監督。恐將不免也。

以上之研究。於今日中國政治之情形。有何種關係。此蓋應有之問題矣。

中國數千年以來。狃於君主獨裁之政治。學校闕如。大多數之人民。智識不甚高尚。而政府之動作。彼輩絕不與聞。故無研究政治之能力。四年以前。由專制一變而為共和。此誠太驟之舉動。難望有良好之結果者也。向使滿清非異族之君主。為人民所久欲推翻者。則當日最善之策。莫如保存君位。而漸引之於立憲政治。凡其時考察憲政大臣之所計畫者。皆可次第舉行。冀臻上理。不幸異族政制。百姓痛心。於是君位之保存。為絕對不可能之事。而君主推翻而後。舍共和制。遂別無他法矣。

由是言之。中國數年以來。固已漸進於立憲政治。惟開始之基。未盡完善。使當日有天潢貴族。為人民所敬禮。而願效忠盡者。其效當不止此也。就現制而論。總統繼承問題。尚未解決。目前之規定。原非美滿。一旦總統解除職務。則各國所歷困難情形。行將再見於中國。蓋各國狀況。本與中國相似。故其險象亦同。但他日或因此種問題釀成禍亂。如一時不即撲滅。或馴至敗壞中國之獨立。亦意中事也。

然則以中國之福利為心者。處此情勢。將持何種之態度乎。將主張繼續共和制。抑將提議改建君主制。此種疑問。頗難答覆。然中國如用君主制。較共和制為宜。此殆無可疑者也。蓋中國如欲保存獨立。不得不用立憲政治。而從其國之歷史習慣。社會經濟之狀況。與夫列強之關係觀之。則中國之立憲。以君主制行之為易。以共和制行之則較難也。

雖然由共和改爲君主而欲得良好之結果者則下列之要件闕一不可。

一 此種改革不可引起國民及列強之反對以致近日共和政府所極力撲滅之禍亂再見於國中。蓋目前太平之景象宜竭力維持不可使生危險也。

二 君主繼承之法律如不明白確定使嗣位之問題絕無疑義則由共和而改爲君主實無利益之可言。至君位之繼承不可聽君主之自擇吾已詳言之。雖君主之威權較尊於大總統中國百姓習於君主鮮有知大總統者故君主恆爲人所尊敬然僅以增加元首之威權爲此改革而於繼承之問題未能確無疑問則此等改革似無充分之理由。蓋繼承確定一節實爲君主制較之共和制最大優勝之點也。

三 如政府不預爲計畫以求立憲政治之發達則雖由共和變爲君主亦未能有永久之利益。蓋中國如欲於列國之間處其相當之地位必其人民愛國之心日漸發達而後政府日漸強固有以抗外侮而有餘。然苟非中國人民得與聞政事則愛國心必無從發達。政府無人民熱誠之贊助亦必無強固之力量。而人民所以能贊助政府者必先自覺於政治中占一部分而後乃盡其能力。故爲政府者必使人民知政府爲造福人民之機關使人民知其得監督政府之動作而後能大有爲也。

以上所述三種條件皆爲改用君主制所不可少。至此種條件今日中國是否完備則在乎周知中國情形並以中國進步爲己任者之自決耳。如此數條件均完備則國體改革之有利於中國殆無可疑也。

### 意大利未宣戰前國內之情形

莫安仁

自戰事起。最初半年。德奧未勝。聯盟國亦未破。德奧雙方抵禦。各不相下。各未達其目的。損失之數。又復大致相等。語云。勢均力敵。無勝無負。蓋戰事第一期之總評也。

凡物力平等者。非於一方增加新力。則平等之勢不破。此次戰事。雙方所恃爲新力者。厥國維何。曰意大利是也。自聯盟國一方言之。加入意國。不獨於平等之勢增加新力。且因意之加入。使羅馬尼亞希臘布勒加尼亞諸國。同受感動。此有益聯盟國者也。至就協約國一方言之。意與德奧當日訂約。原冀有事之時。互相扶助。今德奧既與他國開戰。則盼意加入。固理之常。惟以意奧之間夙仇未解。奧人佔意東部之地。意深憾之。協約國成立時。各國人有謂「約不足恃。日後有事。意奧必不能相助」者。其言今已中矣。自戰事起。聯盟協約兩方各派專使與意接洽。勸意助己禦敵。意未與德奧一致宣戰。德奧極爲不平。惟未宣之於口。冀漸誘意入彀。次則盼意中立。兩不相助。德奧之意「意國困於戰爭。國力貧弱。恪守中立。不事兵戈。爲意人所深願」。詎知意政府之行事。竟出諸德奧計料之外哉。

今述德奧運動意國之情狀。先言關係人。二。曰意人。鄒列第 Geolitti 一。曰德人。畢羅 Count Billov 鄒列第。知幾識時。出處之間。恆足動人。欽佩。且輕財好士。善用權術。國人順從。鄒氏而願爲其效力者。甚不一人。氏前爲國務大臣。罷職後。爲在野黨之首領。偏袒德奧。國會中傾向協約國之議員。皆鄒氏之部。

下也。畢羅長於外交，前與意國貴族某女結婚，交接意人極其親密，故二人者皆意政府之勁敵也。

昔日奧人潛入意境，佔意東部之地，意人引爲大辱，意之形勢須有海東之地，乃足維持太平。故返奧侵佔之地，及收海東之地，意國上下除少數國賊外，幾於全國一致，抱斯希望。德奧與聯盟國宣戰後，意知此項疆土問題，必須提議，乃一方整理軍備，以防意外，一方向奧提議，以觀奧人之宗旨。奧政府答詞謂：「各盡友誼，意今助奧，日後各事自易商量。」意見與無誠實答覆，乃罷議不言。

斯時德政府知意之是否久守中立方針未定，關係綦巨，亟派畢羅出使意國。畢氏至意，與鄒列第協力籌畫，結納報館，多方鼓吹，一方引意外交大臣蘇禮羅 *Sornino* 復與奧政府交涉。奈會議之時，奧輕意國軍備不足，驕傲之氣，形諸顏色。蘇氏不願與奧使會晤，乃由畢羅居間爲雙方之傳書郵而意奧直接之會議乃復停止。

意國政界分排奧親奧兩派，鄒列第爲親奧派之黨魁，自交涉起，贊助畢羅之說，廣派黨徒，集會演說，以兵凶戰危諸論，感動國民，冀輿論反對政府與奧開戰之策，而意政府守秘密主義，布置各事皆未宣言。國民莫識方針之所向，國務大臣沙蘭達 *Salandra* 氏表面與鄒無涉，而向爲傾向鄒氏之人，鄒謂畢羅曰：「祇須吾輩首肯，政府必從吾言。」鄒氏之躊躇滿志，由斯可以想見，而孰知事實上不然者。外交大臣蘇氏強毅公正，素鄙鄒列第，國務大臣沙氏尊重公道，亦與蘇氏同志。數月前沙氏罷斥鄒昔



委任之官數人。鄒不悅。宣言吾定更易內閣。但不必亟亟。畢羅言論亦同。鄒氏殊不知延誤之失時也。政府受國民之愛戴。國民屢請政府向奧交涉。收復前失之疆土。德奧與聯盟國宣戰後。意政府宣言「他國宣戰。事先既未與意商量。意即中立。試觀他國於意疆土問題如何解決。」奧政府者。夙不以意爲重。一再延置。不以誠意與意接洽。意政府知與奧和平解決之不易。得乃定加入聯盟國之策。數月間。託言國防將礮臺軍械布置齊整。至今年四月正式問奧之宗旨。奧無覆文。乃實行廢協約而加入聯盟國。當是時。德奧兩國於意加入聯盟國一事。尙不知悉。法政府知之未幾。傳播於外。法政府無以不能守祕知之亦一奇事也。二日內雖其仇亦可德政府促畢羅行事。而鄒氏適往鄉間。未歸。畢羅日與鄒黨宴會。請鄒速歸。畢又親謁意王。謂值茲危急。惟用一人可以救國。即鄒列第是也。

鄒氏至是漸悟政府之宗旨。惟極不甘服。與畢羅密謀一方運動言論家攻擊政府。一方預備請奧讓意數款。俾免暫時之決裂。嗣經狄倫 Dillon 氏。文即著人此將與允讓步出於畢羅等之陰謀。非奧政府之本意。電告倫敦報界及報載出爲意政府所悉。而鄒畢之計乃不克行。政府外國使臣而日謀害所駐國之

斯時畢羅又以正式文書將奧願讓步告意政府。奈蘇氏洞悉其奸。不與接洽。畢見計未售。又謁意王陳明此言。并勸意王速用鄒列第。而鄒亦言「吾人可逕與奧會議。不必以政府爲念。」鄒之黨徒極衆。一時氣勢洶洶。幾起暴動。政府恐國會議員偏袒鄒氏。反對沙氏。乃宣言不待國會彈劾。將由國王另行組

織內閣而鄒氏至是若獲勝然

意民之中懷奧人侵地之恥矢志排奧者極夥而報界多數主張正論又倡言「現有欲破壞意國之惡人秘密行事若容其人得志意將永失獨立之資格不可挽回」云云一時人民受茲說之感動乃舉國同起擁戴意王贊助內閣宣言「鄒列第出必殺無赦」平日黨鄒之人受人侮辱各自避匿且有背其向日宗旨倡言排奧者議員某者本德產向辦天主教務與畢羅爲友至是經人疑爲德探而被驅逐報館中向主親奧者悉閉門停刊某報夙主中立至是亦順輿論主張開戰官界凡黨鄒者悉遭罷斥而鄒畢之謀乃全失敗

當意政府豫備宣戰時王召鄒列第鄒意將復爲政及入見乃知祇以現時情形相問耳意王順民意信任沙蘭達爲政卒破宵小之奸謀振作精神排斥德奧意王之賢不亦令人欽服無既耶

狄倫曰予旅意見意人之振作備戰實深感佩惟有一事不能已於言者教皇之助德是也教皇信畢羅之誓言聽其部下鼓吹助德表面宣告中立而實偏於一方比利時者天主教國也其教會領袖受德凌辱教皇默不一言且助德人以害意國教皇之行爲若此當令人永不能忘矣

今日意國脫奸宄之陷害與聯盟國同保歐洲之公益主張人道救比利時俾野蠻暴力掃除無餘意之行動如是勢必使羅馬尼亞聞風興起因兩國夙相親善也關懷時局者幸拭目以俟之

英國哈米騰將軍 General Jan Hamilton 進攻加里波釐報告書

莫安仁擇譯

三月十三日奉命赴加里波釐。十七日抵加謁元帥及法軍帥。會商進攻方法。按照該地情形。徒恃海軍。一時必難致勝。乃定海陸併進之計。吾人欲取之半島有三險要。最難攻陷。一沙尼拔耳 Sanchal 山高九十七丈。峻峭而多荆棘。人不能入。二克利巴高原 Triaba 山高六十丈。是三處均爲著名險要。有一夫當關。萬夫莫開之勢。吾人欲攻。是山先查岸上可以住人之地方。乃定甲乙丙丁戊五地。爲大軍進攻之方向。前者兵住埃及。進行之際。許多不便。至是重行編製。其運兵船艦不合法者。亦命裝回。重行配置。四月二十四日抵台奈特島。先將兵士配於軍艦。至夜開行。預定各於五時抵目的地。向甲地進行者。因水流急速。至七時半甫得上岸。傷者計五十人。

向戊地進行者。迫於沙地及懸崖。上岸極其困難。土耳其人恆言「世人無能從茲登岸者」而抑知大英軍隊業經登岸而佔其地也。當英兵上岸時。土兵迎戰。英兵築壕防守。爲土兵巨礮及炸彈所困。危險異常。按照是地形勢。海軍不能助戰。英兵在岸上。曾以短刀衝鋒。猛撲數次。其勇敢進取極足。令人欽佩。嗣因衆寡不敵。暫令各兵回船。從表面言之。此隊各兵似無勳勞。足稱是不然。有此隊與土兵交戰。使土兵聚於一處。而不及與他處上岸之英兵接戰。他隊獲勝。皆由此隊致之。故此隊之功。亦未可厚非也。向丁地進行者。岸邊各地沙土懸崖。極難立足。至夕六時。海軍助攻。土兵不能抵禦。各兵乃得上岸。與乙

丁兩地中間之土兵接戰。土兵據一小山堅守。英兵因有由丙地上岸者之助。乃稱安穩。

向乙地進行者。受土兵之抵禦。上岸極難。是地岸窄而斜。土兵從上發礮。俱能命中。幸於中間有四尺高之石壁。爲英兵助力。山上礮臺。先以海軍攻毀。惟土兵於此防守完密。當英兵在船時。土兵不動聲色。及見英兵傍岸。乃槍礮炸彈。各項同發。英兵二千人。中傷者幾及一半。因船之前後。事先布置妥善。乃未全爲土敗。是時有一隊豫備由乙地赴戊地。亦未克達目的。

有隊官二人者。一曰韋禮。一曰維廉。忠勇性成。竭力禦敵。當二十五日。英兵受傷。韋維二氏鼓勵各人。勿因敗而氣餒。收集各隊。猛勇前進。未幾山上村落。卒爲英兵攻陷。韋禮氏於將陷山村之際。受傷陣亡。推敗後。終勝之功。當以韋禮維廉二人爲第一也。

向丙地進行者。初亦未勝。是地上山。祇一小道。土兵暗置地雷。以陷敵人。英兵初至。幾遭暗算。嗣得海軍之助。於二十五日前十時。攻陷第三層營壘。後又有他隊上岸。合力進攻。至午。乃得與由丁上岸者會合。丙丁岸之右側。有所謂一三八山之礮臺。極其堅固。午後二時。先由海軍向之攻擊。繼由陸軍猛進。至四時。山及礮臺。乃全爲英佔領。此役英兵傷者較多。然各人鼓勇前進。無絲毫退志。故終獲勝。此次奧斯大利亞及新錫蘭人。盡力戰爭。不稍畏却。吾人見之。實深感佩。最初上岸。祇二千人。以攻二萬土兵。土營防守。又極完密。而最後之勝利。終屬於英。則其忠勇之氣。不亦令人永久不忘耶。

吾人最初定計。豫備分向五路進兵。至上岸後。再行聯合前進。孰意地勢之險。防守之固。迥異尋常。現因兵士之忠勇。得於險要重地。有立足之所。於軍事前途。極堪欣賀。此役軍官陣亡者百七十七人。傷者四百十二人。失蹤者十三人。兵士陣亡者千九百九十人。傷者七千八百零七人。失蹤者三千五百八十人。

### 俄國之國會 (譯紐約世界週報)

公哲

國會之衆議院。俄國國會濫觴於一九零五年。當時俄日戰事方息。俄皇爲消弭革命起見。乃設立籌備國會委員會。任巴萊金爲委員長。籌議設立國會事宜。其結果巴萊金等所議設之國會。僅有立法上評議建議之權。國民大不滿意。蓋國民之所欲者。擁有完全立法權之國會也。今得建議顧問性質之國會。豈其所願。革命潮流反因之而促進。斯年十月間。政治革命興起。政府頗感困難。俄皇不獲已。乃頒發賦與自由之上諭。不但與人民以言論結社集會之自由。且以設立民選國會。使握立法全權相許矣。依照一九零五年公布之國會衆議院選舉法。大多數二十五歲以上之男子。皆賦有選舉權。但其投票權之分配。係分布於各階級。各省設立選舉會。以各階級所舉之代表組成之。地主最傾向政府。每二十人得舉代表一人。城鎮業戶每四千人得舉選舉人一人。農人每三萬人得舉選舉人一人。工界最主張社會自由主義。則每九萬人舉選舉人一人。其選舉權之分配。不以人數。不以財產。而以階級。於是地主一人。遂當城鎮業戶二農人。十五工人。四十有五噫。是豈得謂爲公正之法律哉。

欲詳論俄國之選舉制殊甚煩雜茲所述者亦選舉權如何依等級分配選舉會如何組織以及衆議院選舉會各等級代表數如何不均數要點耳俄國農人占全國人民十分之八雖在選舉選舉人時亦不得直接投票農人選舉地方選舉會該會選舉區農會選舉省選舉會代表省選舉會代表乃選舉衆議院議員農人之選舉國會議員蓋經三次之複選焉省選舉會之規制既極煩雜而代表所自來又復各異政府方以爲由此造成之國會縱未能全然阿諛亦必易於操縱矣孰知實際上竟大不然農人與地主之選舉權雖係十五與一之比例然其結果選出衆議員之數仍達二百十六人地主貴族所選出者僅百六十四耳尤其異者第一次國會中衆議員分隸各自由黨反對官治者計達四百三十二人傾向政府者僅有十六人而絕對贊助專制者又僅七人而已俄皇對此主張自由之國會自難容忍厥後乃以均分地畝議案解散國會復命依同選舉法選舉第二次國會詎其結果猶有甚者爭論自由更過於前於是第二次國會經百有二日之會期復被解散而議員之陷於叛逆罪者亦及三十有七人焉。

俄政府見前之選舉法既不足得一卑詔之國會乃違背憲章更以諭旨公布新選舉法依其規定農人在選舉會之代表減除百分之十八地主之代表增加百分之十七而波蘭西比利亞靠開塞三地議員之數則由一百有九減至三十九因其地自由黨員素占多數故也斯法沿行至今未嘗更改於是地主

一人。遂當城鎮居民六十八。農人二百六十。工人五百六十。有三五十萬之地主。貴族僧侶。選出國會。衆議員之數。達二百九十。有四而八百萬農民。所選出者。僅七十七。衆議員耳。

就俄國現時之衆議院。論以百分之二之國民。權力竟勝越百分九十八之國民。其不能認爲真正之民選議會。斯無疑義。謂爲貴族僧侶地主之議會。尙較得當。特是卽此數階級中。亦未嘗一致傾向政府。而城鎮代表更多。自由黨員。從現時國會衆議院。言左黨（憲政民主黨。社會民主黨。進步黨。工黨）占百三十席。右黨（君黨。國家黨。保守黨）占百七十八席。孰勝孰負。全視占有百席之中。和守舊黨爲轉移。斯黨議員在常時投票表決。雖皆傾向政府。然於一九零五年十月。發布之賦與自由上諭。頗能鄭重維持也。

試以俄國國會與他國之立法議會相較。性質固不相若。職權尤不相侔。當俄國第一次國會集會前之數日。俄皇以諭旨公布其所謂「根本法」者。依其規定。國會之職權。大受桎梏。凡有關朝廷皇族海軍陸軍軍法之宣布。哥薩克人之轄治。諸問題。國會概不得過問。議決預算。國會名義上固有是權。但全年歲出中。人民代表所不應管轄者。計占全數十分之四。而其餘十分之六。苟國會不認可。則前年度之預算。當然繼續適用。去年三月。俄國國會衆議院於其國會史中。曾爲第一度之否決預算。然結果於政府經濟毫無影響。蓋依根本法之規定。政府得照一九一三年之預算爲其支出。故也。俄羅斯之財政權。現

固完全握於皇帝及大臣之手而所謂根本法國會法者不啻爲限制國會職權之憲章世界各國議會財政權之受限制若俄羅斯之國會者蓋從未之有也

更就國會立法權所受之制限言之依根本法第八十七節之規定不在國會集會期間俄皇有獨立制定法律之權但在兩月以內皇帝必將此命令作成之法律交由國會承認而在此兩月間效力則絕對與通常法律無異據斯法條俄國會之立法權遂大減縮蓋期間既有二月何事不可作成待及事已作成國會雖不予承認其若之何況俄皇常依廣義適用此法條雖在國會集會期間皇帝先以諭旨命其停會在此停會期內皇帝卽有權以命令作成法律而國會立法權所受之限制遂愈廣泛俄政府當所提出之法律案國會不易通過時固常出以此法也

於斯而外根本法之所以限制國會議員之職權者是爲提案規則在於美國凡爲國會議員者固靡不有提案權者也而在俄國國會凡一議案須經議員三十人之署名方爲成立既經成立更須呈送主管大臣審查方能提出各大臣且賦有改作議員所提出之議案之權故實際上議員提出之議案大半爲政府所遲延而因大臣有權改作議案之故迨至提出國會議決之時又每非議員原來提起之議案而全爲主管大臣改造之議案矣

因右述之制限俄國第一二次國會衆議院提出之案遂無一通過者而政府提起之案共六百九十五



件。通過者。達五百零九件。第三次國會中。衆議院提出之案較多。然亦頗少。重要者。憲政民主黨在前。其次國會於國民在法律上一切平等案。國民非依法律不得逮捕。言論結社。集會自由。案國會管轄預算案。改良地方自治。政府案。屢擬提出。卒爲大臣所沮。而不克於實行。現時國會之衆議院。雖頗自振作。然自開戰以來。國會集會之期。統計不過三四日。凡俄國現時公布之法律。皆依照根本法第八十七節之規定。由俄皇以命令制定者也。彼國會者。不過徒擁立法機關之名而已。

國會之上議院 俄國國會上議院名曰帝國會議。成立遠在國會之前。十九世紀初。俄皇亞歷山大立爲立法顧問機關。使之輔佐皇帝制定法律。議員概由皇帝任命。一無建議獨立之權。凡皇帝或大臣以行政法規交議。帝國會議履行起草討論制定職務於斯。而外更無職權。雖帝國會議全體一致議決之案。皇帝固得隨意拒絕。投置於廢紙之籃也。一九零五年設立國會。帝國會議乃改爲國會之上議院。全院議員計百九十六人。皇帝任命之議長副議長議員共占半數。其他半數改由民選。計由省選舉會選出者三十有。四地主選出者二十有。二貴族會選出者十八。工商會選出者十二。帝國大學選出者六。天主教會選出者六。任命之議員每年由皇帝任命。民選之議員九年一任。每三年改選三分之一。但皇帝亦得命令黜退。更由新選舉選補其缺額也。

皇帝任命上議員九十八人。當然贊助皇帝之階級所選出者。又及四十二人。因之皇帝於上議院中實常握有絕對多數之贊同。上議院組織若是。衆議院乃大蒙其影響。關於自由民權之議案。遂無望通過。

蓋此等議案雖經衆議院可決而上議院或加以否決或全然更改或任意延擱終難實行在近數會期中如改良初級裁判所案增進初等教育案限制賣酒案減輕糖稅案信教自由案准許陪審官停止判決效力案准許人民控告官吏犯罪違法案其數至多皆既經衆議院可決而上議院任意拒絕更改以致廢棄者而上議院所以反對之由則各大臣及僧正使之然也

數年以前上議院衆議院之爭端益趨激烈幾至決裂俄首不得已乃向上議院陳言謂立法議案既經衆議院之議決又得政府之認可者上議院勿庸再肆反對上議院議員某答詞則曰對於衆議院及內閣之過失加以糾正者上議院之職務也

從法理言兩院各有權提起法律議案從實事言上議院每於全會期未嘗提起一案蓋上議院之意每以阻抑衆議院改正法制視爲上議院唯一職務舍此而外更無要事一九一零年衆議院議決案稍涉人民自由者幾悉爲上議院屏棄如停止判決効力案工人保險案等皆是蓋此等法案在衆議院未會集會期間多由皇帝諭旨爲之規定今衆議院提議改正政府自不謂然上議院遂亦從而屏棄歐戰未發生前衆議院提議以酒液專賣收入充教育經費之用亦爲上議院所否決言上議院所否決之議案雖涉近自由範圍然其規制固極趨和平而上議院概加阻抑是可以知上議院之意旨與其職務矣蓋衆議院之組織依俄帝制定之選舉法雖極利於君主俄政府猶恐其萬一趨於自由復以上議院爲之監察加以阻抑然後衆議院乃更無趨重自由改正法制之希望也顧壓力愈重反抗力亦當愈大卽上

議院議員及官吏之明白事理者亦明知上院對於衆院肆意阻抑徒足增進人民反抗之思欲免斯弊惟有尊重憲政制度之一法特現時未能實行耳

衆議院既無監察政府之力立法上之職權復常受上議院之阻抑兩院選舉之法又皆不公平彼俄國之國會似無所用特是就一方面言雖屬無用就他方面言其價值則至高蓋以國會爲與政府并列之機關誠屬失敗而藉以播布政治教育則成効殊多專制國家言論自由最關重要無論政府如何壓制如何不合苟能容人批評容人討論容人商榷改良之策蚩蚩之氓自易知何事斯爲謬誤何法可以糾正國會者俄國惟一言論自由之地也省選舉會既不許討論國事政治集會又復禁止報紙又受檢稿官之限制惟國會之兩院得自由討論政事衆議院之各黨議員上議院之大學選出議員就其國事發爲論議俄京及各省報紙乃徧爲登載俄民所由聞知國政者固僅此而已也

國會兩院當大臣有違法或壓制之情事時有權提起質問要求答復在第一次國會衆議院之質問案計達三百八十件第三四次國會衆議院亦常發起質問使政府大臣出席答復如平時適用軍法政府干涉選舉命國會停會而以諭旨頒定法律行政官放逐違令大學學生種種不正當之行為議院皆曾提起質問凡質問案之提出先須由會議表決其由多數否決及委員會之延遲而未能實行者往往有之然其誘導國民之力檢束官吏之功固不可沒也

就發表政論提起質問二事而論國會固可謂爲實有效用特祇爲播布政治教育機關而不可謂爲獨

立之立法機關耳。俄國有此兩院討論國事。繼續進化。未來自可成爲真實之國會也。

塵埃之害 (譯公論西報)

公潔

塵土一物。每爲人所忽視。然其爲害。固至鉅大。試以塵埃一撮。投入淨水瓶中。置諸屋內。數日以通。常顯微鏡視之。則昔所謂秒水蟲。今所謂微生物者。業已發生。而是之微生物中。桿狀微生物。粒狀微生物。抖動之。微生物。蠕動之。微生物。原生動物。變形蟲。輪轉蟲。莫不畢現。黴菌學者。更以高等顯微器考察。則他之微生物。較此更有危害者。又復發見。蓋微生物之愈小者。其深入人類組織。乃愈易故也。

各微生物。雖爲吾人目力所不見。固各有其目的。其重要目的。即在輔助人類。分析人體內已死之有機體。使之還元。爲無機物質。而直接給養植物。間接供給人食。是必吾儕能爲之。籌得出路。或將皮膚筋膜。毀損。或爲過度之排泄。此各項之微生物。對於吾人。方不可不生損害也。

塵埃固爲正當之物。特置之不正當之地。則爲害。斯甚耳。塵土之與農田。關係頗重。惟人類苟從而飲食之。呼吸之。則不當之甚。故人類所居之室。必以屏去塵埃爲要。其法或開放門窗。或以機械流通空氣。言人類因塵埃而傳染之疾病。當以噤口症及血毒症爲最甚。此類微生物之傳達人體。或由空氣。或由地面。或由器具指甲。其傳達人體之危害。在能深入人體組織。苟在初傳入時。施以滅毒之法。其危害固可以免除也。

塵埃所常構成之疾病。人類常忽視者。是爲傷風症。昔日傷風症。每解爲感受寒涼所致。故名之爲傷風。

爲感冒。今日醫學發明。易其名爲涕膜炎。爲筋膜炎。蓋傷風一症發生原因。原不由於寒溼。而由於微生物之傳入。寒溼之於傷風。雖未嘗無其作用。然其主要作用。固全在於由塵埃傳入之微生物也。

(未完)

### 蒙太紹理兒童教育新法 (續)

王調生

蒙氏依塞甲恩及意他德之學說。徵集教育材料。教授殘疾之兒童。成效甚著。頗致衆譽。彼見社會上健全兒童之教育。甚不發達。遂思以教育殘疾幼童之法。爲改良健全兒童教育之方。蓋教導之法。施於殘疾幼童。尙獲成效。施諸健全之兒童。其成效必更宏鉅也。

意他德氏兒童教育意見。蒙氏欲以教育殘疾兒童之法。施諸健全之兒童。誠屬特創之見。顧氏自信甚深。頗欲施其說於實用途。攻習師範教育之學。於普通學校管理法。則深加研究。并入大學之哲學科。學習實用心理學。終遂成爲教育學科之名教師焉。

蒙氏當籌議通常兒童教育之時。於當時教育情弊。固所洞悉。并深究意他德氏實驗所得之教育意見。與夫教育感動力。與兒童內省力之關係。承認教員不當存與兒童平列之念。應以喚起兒童心靈。自任當是時。蒙氏固已自信其改良教育之事。必著成效矣。

蒙氏正作建立初等學校之計畫。羅馬他那慕氏。卽聘其任幼童學校校務。蒙氏遂亦應其聘。請於是十年。學識經歷。鎔鑄所成之理想。乃施諸實用。而蒙太紹理氏之教育新法。名譽遂爲之大著。其教育法之

全部刊印成書業經再版本文殊難詳述也。

兒童之行動自由 蒙氏教育新法最注重者即令幼兒行動自由以啓發兒童之天真是也從上所述創議改良教育者對於斯說固常主張而未著如何效力是其原因有二一任令幼兒行動自由并非對於兒童行動概行放棄不聞不問之謂監察之事何可稍免二欲求兒童自然智力悉行啓發學校對於兒童亦須隨時與以助力在斯情事僅教員之言詞誘導尙未可謂爲滿足凡幼兒周近習見之事物尤須注意近世文明發達科學器械教育材料均甚完備對於蒙太紹理氏教育新法之成功輔助之力亦甚非淺鮮也。

言蒙氏教育法與近世教育法相異之點即近世教育主義類主以強力教育學童學童知識皆自外受使兒童純立於被動地位蒙氏教育主義則主任令幼童行動自由俾其天賦智力悉行啓發純使兒童立於自動之地位也。

教員之改變 從上所述教育主義既不相同教員地位自有改變依蒙氏教育新法教員所最要者即啓發兒童心理上之興味及監察兒童之才能是也教育精神尤較教科學識爲重蓋必於教育幼兒法則設身處地體貼入微然後可期其教育之獲效也教員干涉幼童行動之事大受限制除侵犯他人及非禮舉動而外凡幼兒之自然行動皆不加以抑壓而其尤忌者即使兒童仰承他人之意旨以行動是也至於教員職務如何改良教授材料如何徵集當另撰文論述之。

# 評論

## 國體與政體


王濯菴

論國家者區別國體政體之種類國體以統治主體之存在定之政體以統治作用之形式定之國體分二。一曰君主國之元首由於一姓世襲者是。二曰民主國之元首由一定機關自公民中選舉者是。政體亦分二。一曰專制無法律命令之別一切政事由一人或少數執政隨意處分者是。二曰立憲法律由立法機關制定一切政事依法執行一人或少數執政之命令不能違背或變更法律者是。


尙君主國體者謂福國利民惟君主制爲最善民國選舉總統紛爭擾亂未爲良法尙民主國體者謂民國公天下於天下非君主制所能企及世界進步將悉行民主制是。二說者皆一偏之論也。必謂君主制爲盡善將何解於羸政之暴虐必謂民主制爲盡善將何解於墨葡之紛亂故二說互有不是也。

大抵一國之福利不徒視乎統治之主體必先視其統治之作用政治統一有道揆有法守仁厚公正至誠無私無論君主民主皆足福國利民政治淆雜無道揆無法守偏私專橫人各自利無論君主民主皆足誤國害民昔人分國制爲（一）專制（二）君憲（三）共和三種實則君主國有專制有立憲民主國亦有專制有立憲民主專制國豪強專政暴戾恣睢多數之肆虐初無殊於獨夫之專制也故區別國制不當如第一圖而當如第二圖。

第一圖



第二圖



民國要素首維道德民德未進之國家與其泛言民主毋寧君主立憲較為適宜世界大國英民之自由實無異於美人彼以君主為絕對非善制者毋亦於政體之關係未之思歟

清史與酷吏傳

庸齋

自漢以後作史者一以司馬史記為法史記傳循吏酷吏班書范書因之嗣是若隋書若新舊唐書若魏書北齊書北史金史均有酷吏傳一篇五代史宋史明史等無酷吏傳非司馬法也  
 史之定義如何目的安在學者解釋議論各殊依中國史例言之曰紀錄一代之事實垂為法戒而已忠良節義為人法則佞倖奸酷為人鑑戒二者畢具乃為良史且紀載一代之事蹟必善惡忠奸兼容并述乃成實錄若述善而遺惡則一代事蹟必不完全其何以為信史乎  
 不列酷吏傳者意謂酷吏不足為人法則是必凡姦佞之不足取法者概不列入乃可而何解於佞倖姦臣伶官宦者聯篇撰述乎一人之奴僕不惜費筆墨以詳紀述關係人命害民之吏獨缺而不載烏乎即此一端足徵後世作史者之政治思想與史識矣  
 今者清史方事編纂其法司馬氏傳酷吏乎抑不然乎是可徵作史諸公之學識請拭目以俟之





## 中國大事記

### 籌安會之成立

籌安會由楊度、孫毓筠、嚴復、劉師培、李燮和、胡煥發起組織。北京事務所設於石駙馬大街東口路南。茲將其通告各省將軍巡按使暨商會電文錄之於次。

各省將軍巡按使商會鑒。我國辛亥革命之時。人民激於情感。但除種族障礙。未計政治進行。倉猝制定共和國體。國情適否。不及三思。深識之士。明知隱患方長。而委曲附從。以免一時危亡之禍。故自清室遜位。民國創始。絕續之際。以致臨時政府。正式政府。遞嬗之交。國家所歷危險。人民所感痛苦。舉國上下。皆能言之。長此不圖。禍將無已。近者南美、中美、二洲共和各國。如巴西、阿根廷、秘魯、智利、猶魯、威民、什拉等。莫不始於黨爭。終成戰禍。葡萄牙、近

改共和亦遭大亂。墨西哥自柯人士去位。黨魁擁兵互競。勝則據士敗則焚城。卒至五總統並立。陷國家於無政府之慘象。我國亦東方新造之共和國家。以彼例我。豈非前鑒。美國者世界共和之先進也。美之大政治學者古德諾博士。即言君主實較民主為優。中國尤不能不用君主國體。此義非獨古博士言之也。各國明達之士。論者已多。而古博士以共和國民而論共和政治之得失。自為深切著明。乃亦為中美情殊。不可強為移植。吾國人士。乃反委心任運。不思為根本解決之謀。甚或明知國勢之危。而以身毀譽利害之關係。憚於發議。將國民義務之謂何。我等身為中國人。民國家之存亡。即為生死。豈忍苟安默視。坐待其亡。本會之立。特籌一國之治安。研究君主民主國體二者。以何適於中國。專以學理是非事實利害為討論之範圍。至範圍以外各事。本會概不涉。及以此為至嚴之界限。將以討論所得。貢之國民。特此布告。伏維鑒察。

### 于晦若先生逝世

于晦若先生諱式枚。廣西平樂府賀縣人。光緒庚辰進士。早歲究

心文史。受業番禺陳東塾之門。與文道希齊名。粵刻學海堂菊坡精舍諸集。先生史學之作頗多。數年來。隱居青島。德日開戰。移寓上海。本年舊歷六月二十五日巳時。遽爾大歸。遠邇聞信。同聲哀悼。南海康氏爲文祭之。順錄於次。

嗚呼。嗚呼。若臨吾蓮。韜月未晦。朔約自崑山。還處吾宅。扁舟忽旋。命求醫藥。倉猝騎鯨。掩魄冥莫。撫棺而號。孤忠不作。短蓬大宙。若郵若失。惟君童真。降自兜率。曰年十一。神慧迥出。誦詩三千。長老驚屈。熟精文史。強記獨絕。新舊唐書。如桶底脫。上下掌故。旁魄貫澈。援古證今。議論引述。山雲騰湧。江波無竭。作爲文章。春麗天葩。王楊沈奧。徐庾穠華。冠入翰林。名藉京師。航航合肥。禮而羅之。遂贊幕府。飛文聘辭。凡二十年。緯畫論思。問君功德。視文忠碑。不受一官。爲郎循資。仗節擁旄。俛視儕儻。天爵自尊。夷然安之。我之識君。歷歲三紀。高軒雄談。僧張審子。烟濤樓頭。論文娓娓。丁酉戊戌。過從密邇。相府抵掌。縱橫大地。祕殿同朝。西山遙指。大雪漫天。道絕人跡。登陶然亭。浮白相視。踏雪城闕。俛仰天地。笑萬人海。惟我與爾。惟時艱虞。開會保國。君後先吾。

意態誠懿。吾大變法。君實贊諾。直入臥內。辨難問作。吾將構難。奉詔詣滬。君來視余。遠譬唐事。帝託齊映。庇李泌。故后旨有命。毀吾先塋。文忠督粵。抗爭不成。君密電粵。令先經營。預遷遺骸。易以豕羊。先骸幾火。我心憂傷。先骸獲全。感德靡量。中別十年。君涉卿貳。孤高清介。不易素履。蹇驢徒步。人忘勢利。國將立憲。君乘軺駟。考問憲法。於德意志。柏林酒壇。話舊銜醉。又閱七載。吾歸旅滬。君自青島同來。作寓朝市。已變人民。非故子卿。頭白茂陵。蕭樹幼安。高臥北海。蹈道相遇。唏噓感慨。今故金仙。下淚銅駝。共撫昔者。魏徵一何媚。嫵今傷。搖落江潭。淒楚月泉。有社齋恨。不語西臺。吹笛慟哭。無所君賓。高節避徵。不造庭槐。婆娑生意。盡稿首陽。采薇盡何。去竟死道路。一瞑不顧。膏煎蘭焚。天年天閔。蓂莢化碧。永傷黃土。嗚呼。嗚呼。若生不逢辰。鳴鳳既翔。乃入幽昏。海上遺老。如鯽多人。胡爲不弔。一個先君。蒼蠅作弔。丹心埋雲。嗚呼。嗚呼。若韓亡。秦帝積憤。懷憂國既亡矣。君復奚留。祝宗祈死。死又何求。得仁無憾。報德莫由。我酒既馨。又有嘉羞。嗚呼。嗚呼。若登帝左右。靈爽降歆。平生杯酒。嗚呼。哀哉。尙饗。

## 外國大事記

### 各國近聞

華沙既爲德軍所得。德皇對於攻克華沙主將巴維利亞王李俄波德。贈以巴維利亞最高軍功勳章。以酬其功。

華沙既陷。伊文革怒德之陷。亦在意中。德軍聚集軍隊及製造橋梁材料於那夫亞歷山德立加附近。俄軍則以精軍堅守其城。夜間德軍潛造橋梁四座。軍隊渡過斐斯圖拉河。遂從北面包圍伊文革怒德。頗出俄人意外。

德皇現得斐洲西南部總督塞斯將軍法蘭克之報告。謂彼等受波薩將軍大軍之圍迫。已被逼擁其餘德軍而降。按照受降條款。居留德民得攜其軍械馬匹歸農。官吏仍其官名。得在德境內行動。軍士千三百人。概留置德屬地內某地。

德皇親以德國員帥官章贈與太子。以酬其在東方之戰功。加里錫城爲奧太子駐節之地。旗幟飄揚。人民冒雨整列向德皇慶賀。德皇演說頗讚美奧太子之勤功。

醫治土皇之著名外科醫士伊思奈自土京歸至德國。據云土皇之疾。經其割治。現在已經痊癒。

德政府現向那威國道歉。謂德潛艇誤密勒瓦號爲英船。因而擊沈。德國頗抱歉忱。并言將致送償金。償其損失。

俄國財政大臣在衆議院演說。謂自開戰日起至七月二十八日

大同月報 紀錄門 外國大事記

止支出總數共爲六千九百七十一兆盧布。至於本年年終止。必要之支出。尚須四千零六十六兆盧布。而本年之支出總數。則爲七千二百四十二兆盧布云。

合衆國及中美南美諸共和國代表集會。議決派使要求墨西哥恢復和平。并建設合乎憲法之政府。

君士但丁因英國潛艇近在瑪摩拉海活動。頗現恐慌之狀。墨待立亞船被擊而沈。船埠毀去一所。上海軍艦亦有被擊者。

前星期德皇經丹麥王傳語向俄國議和。俄國答以現非言和之時。蓋俄國求勝之心甚於言和。且曾與同盟各邦締結條約。申明不得單獨媾和。決難違背也。

羅馬消息。教皇現將著手向交戰國勸和。并擬先向各中立國家請求合力協助云。

美國現因德人離間激亂者充斥國內。特加防備。衛護重要人物及軍械製造局。監察爆裂品之出賣。白宮前晝夜有軍警守衛。

日本衆議院書記官長。日前晉謁首相。辭職業已奉准。隨赴裁判所候訊。由檢事訊詰十時之久。遂寄收東京監獄。聞其犯罪。係爲在選舉反對大浦內相時。曾行使賄賂云。

俄皇現通令陸海軍。謂俄軍雖奮其榮耀之勇力。敵軍現尙未經摧破。俄軍於導引俄國勝利所必要之新犧牲及艱苦。當靜心忍受之。劇烈之艱苦。俄羅斯人固常遇之。但其結果。每足以發生俄

人之新能力與權勢云。

美國現行文德。國陳述德國官吏以美國護照授與派往英國之  
間諜。現爲英國捕獲之事。

英軍械大臣喬治君。宣布軍械部政蹟。謂其初維持原有契約。供  
給各兵工廠以機器及人工。使之能照約履行。各工廠增加工人  
數達四萬。已經註冊預備增加者。數及十萬。各廠現分任製造來  
復槍機關槍炸彈等物。國立兵工廠成立者十六處。均由政府直  
轄。此外政府現又與法國訂約。擬合設大國立兵工廠十所云。  
英國海軍本部宣稱。本星期間（七月念八日止）英國商船三艘  
漁船十七艘。均爲德國潛艇所擊沈云。

英國首相愛斯葵宣稱。拿破崙戰爭時。國債達九百兆鎊。其時國  
家每年收入。不過二百五十兆鎊。至三百兆鎊。國債計當三年收  
入之數。一九一四年。全年收入爲二千四百兆鎊。現時國債達三  
千兆鎊。國債之數。較之一年之收入。所加無多云。

俄國衆議院現已集會。首相蒞院宣言。謂俄皇現命令內閣豫備  
議案。賜與波蘭人以完全自治之權。

法國總統躬至比境。親以戰時十字章加諸比國皇帝胸前。謂法  
國之主義與比國之主義。現實深相締結。

教皇懇求和平。未得英國答覆。教皇對於戰事之意見。全被拒却。  
現公衆意見。咸謂非至不能再戰之時。難於期望平和云。

日本內閣。前因大浦內相受衆指摘。於選舉時曾經行使賄賂會  
肇危機。大浦內相先經辭職奉准。首相暨全體閣員。繼續辭職。未  
經允准。現內閣重行組織。業已告成。首相仍屬大隈侯爵。惟更易  
大臣三人。

德軍雖佔華沙。然俄國先已將兵士軍需移往他處。農田禾稼燒  
燬。德軍僅得其地。無所俘虜。

俄軍已由俄屬波蘭後退。德軍進佔其地。德軍近且進入俄國本  
部。東普魯士之東。俄境蒙佛奴大礮臺。已由德軍破而佔之。惟該  
地軍需。俄軍已移之他往。故德軍亦無所俘獲。靠佛奴之南。新喬  
治礮臺。現亦爲德軍攻佔。德軍戰功。誠屬巨大。但軍隊損失。恐亦  
甚多。於土地礮臺。誠有所得。但就軍略上言。果得有重大之勝利  
與否。尙屬疑問。蓋戰爭上之要事。乃摧破敵國之軍勢。不在多佔  
土地。今德軍佔地雖多。尙未能摧破俄國之軍勢。前進愈深。愈增  
後顧之憂。故德海軍頗思攻進里加海口。援助陸軍。但已受挫。俄  
海軍擊沈德國戰艦數艘。又齊泊林飛船一艘。英潛艇又助俄擊  
沈德國新式大戰艦一艘。俄國艦隊雖未全集里加。然頗足防守。  
總之俄軍在陸地後退甚深。而海戰則曾獲勝也。

希臘新政府業經成立。前首相斐萊忌勒司組織之。斐氏主張聯  
合英法俄同盟國。希王意頗不欲。內閣因而解散。近來國民選舉  
斐氏之黨。仍占多數。因之希王仍令斐氏組織政府。斐氏先向希

王商定政策。然後就職。希民敵土之心甚熾。預料不久希臘人民當有以伸雪希民在土耳其之冤苦云。

巴爾幹之羅馬尼亞布加利亞二邦。意旨雖未明白宣示。但德國曾允借布加利亞以款。未曾照給。布國向土耳其要求一事。土亦未允。業經停議。布加利亞似將傾向英法俄同盟方面。至羅馬尼亞。近雖無意思表示。但嚴禁德奧經其國境輸送軍需於土耳其。對於此事。德國恐將以哀的美敦力爭。故羅馬尼亞近亦調集軍隊。聚駐鄰奧之各口岸。以示防備。

現在英國商人。已不能將貨物賣給德國商人。轉販向中國發賣。按照英政府命令所定。凡德商前此簽字所定之貨。七月二十六日以前。在英國裝運上船者。准德商在中國口岸接收此項貨物。而至九月二十二日而後。則一概不許接收云。

本月數星期間。德潛艇擊沈海船中。英國商船計十數艘。但各船船員。多自己得救。又由英國駛往美國運客船若必克號。亦被擊毀。船客死者二十餘人。內亦有美人。美人聞之殊甚愁慮云。

英相愛斯麥巡閱英海軍。駐節一二日。吉金納員帥近亦巡閱法

境各戰線。深為喜閱。對法人演說。概用法語。對法軍亞拉伯人演說。概用亞拉伯土語。佩有一八七零年普法戰爭法軍所贈給之勳章。吉氏對於法軍。商量戰略。頗具熱心。法民接待吉氏。亦頗具熱忱。吉氏此次閱看戰線。頗示滿足之意。至吉氏所以至法之由。或為進攻德軍。或為防禦德軍。未由測定。

意大利亞爾魄山兵。近勇猛占據高至萬一千尺之積雪山峯。占據此地。可以阻止與人沿布格脫而山系。進向塞克斯登。攻擊意人。以侵占林斯車站。

比利時總督碧新。近因事務煩重不適。已經辭職。

英海軍部宣稱英小巡船一艘。為德巡洋艦米突奧號。在北海擊沈。船員遇救。嗣米突奧號為英巡洋艦察見。該艦自知難逃。即下沈船之令。

美國東方消息。有意人數千手持棍棒。飄揚意美國旗。衝擊德奧煽動者之集會。因該會謀煽意後備兵不歸意國之故。會場聽者有受傷者。嗣該會即為警察解散。

法公報宣言。德軍三隊。在亞貢地方。勇猛進攻。盛用毒氣炸彈。深

入陣地。惟次日復被我軍奮勇擊退。俘敵多名。

達達納爾英海軍副司令報告。英潛艇八日在瑪摩拉擊沈土戰艦一艘。又在達達納爾擊毀土國戰艦及運船。

英海軍部宣稱。巡洋艦印度號。任北海巡查之役。已被擊沈。

俄軍在靠開塞大獲勝利。俘獲士兵及軍器甚多。

澳洲墨爾伯勒大學布爾君。現發明澳產之郁加利樹。可以殺腦膜炎病之微生物。

英軍官述德軍以發火之流質進攻胡巨情形。謂數十碼內遍地皆火。英軍渴欲吞海。火燄中傷兵呼號萬狀。英軍猶奮勇往救。從火燄中直撲德軍。敵軍大擾。陣地呈火場之象。英軍在火燄內援救傷兵者。皆呈焦頭爛額之狀。傷兵之狀。慘極不可形容。有一兵黑如焦炭。不勝其苦。堅求速死。就此觀之。可以知英國軍隊。對其野蠻之敵。作戰之勇猛焉。

紐約世界報宣言。美國飛行機千具。各有飛行家駕駛。已由美人允諾。以之扶助法國軍隊。

英國溫則城消息。戴梯怒梯人某。近以幫同製造炸藥謀叛之罪。

處監禁十年之刑。兼作苦工。

據奧為俄俘之軍官供述。德國頗有虐待俄國俘虜之事。依其所言。俄國俘虜。有被德軍拷掠致死者。有縛於樹陰。縱火燃燒。焚之使死者。又德奧聯軍過商河時。曾將多數俄國俘虜。投入河內。俄人或泗水自逃。後遂先用槍刺先行殺傷。然後擲之河中。又某次德官強俄國傷兵背負德國傷兵。俄兵服從。嗣俄兵臂創痛裂。血液交流。哀懇德兵代負。德軍官乃令德兵先殺此俄兵。然後代之背負。又德軍曾對俄國俘虜之司德律風者。拷問其軍情。俄俘不肯供述。德軍乃命鎗擊其胸。該奧軍官謂此諸事。或由目擊。或自耳聞。均甚確實。彼在無論何地。可以向人陳述云。

德軍待遇戰線後之比國人民。仍極苛虐。濫行收用人民財產。貨物。比國閱閱之家。亦被強迫清潔街道。從事戰壕工作。有違背者。則處以五百馬克罰金或禁錮。

羅馬十八日公報宣言。前敵戰事激烈。意軍奪得台洛爾塞克斯登等地數處。俘敵二百五十人。奧軍猛攻加沙高原。意軍回擊敗之。并占據瑪柯狄尼西面要塞一處。

巴黎十九日電稱。前七星期間。計有現金六十兆金鎊。貯存於法國銀行。

達達納爾英軍總司令哈米爾登將軍報告。加里波里半島近今曾有戰事。英軍屢攻南陣線及安柴克陣線之敵軍地位。且以大軍在蘇夫拉灣登岸。英軍現於所獲各地。均堅固防守。而士卒之氣亦甚勇壯云。

法國陸軍部大臣密勒郎君在國會演說。謂開戰時軍醫缺乏。今已充足。軍械軍衣軍食。今亦無憂。又言有人請其更易陸軍司令。議員某大聲答言。議院中絕無人爲此要求。密君又言軍事宜授權於將帥。霞飛將軍所以有戰時無論何人皆應附從其首領之語。同盟國所以勝利。全在謀略周詳。人心集合。現在仍宜繼續維持。以待最後之勝利云。

意國向土宣戰。其理由一在土國協助里白雅土人抗意。一在土國阻止旅土意人回國。德國聞斯消息大爲驚異。恐意國加入近東戰局。則達達納爾之命運將決於是。

英潛艇E字十三號在丹麥海面觸礁。未能駛動。爲德國滅魚雷

艇。砲攻擊沈。丹麥國於英艇船員死力抗敵。見危授命。頗爲嘉佩。於德艇在中立國砲擊英船。噴有煩言。

屬於利勿浦棧倉會社之伯突而棉花棧倉。被火焚毀一所。

英飛機一架。在瑪摩拉海。以炸彈擊沈土耳其國滿載軍士之運送艦一艘。

柏林公報宣。英國軍艦四十艘。出現於齊不魯巨之前。嗣向西北駛去。

佛魯與電稱。英艦砲擊塞爾菲建築潛艇器械廠。早晨六時開擊。砲火劇烈。歷半小時之久。德砲反攻之力頗弱。後竟寂然無聲。惟見有濃烟一片。掛於砲臺之上。直至九時以後。齊不魯巨之外。尙見有英國戰艦二艘。

路透電得有正確報告。現在歐西戰域。共有德軍一百八十萬人。歐東戰域。共計一百四十萬人。又奧軍約計一百一十二萬人。統計德國現在軍力。計爲三兆二十萬人云。

法國公報宣稱。自比境起至瓦斯河止。砲戰甚烈。法砲隊曾將轟擊芒地地愛爾之德軍排。擊至無聲。香巴業及亞貢數處。手擲

炸彈。戰事幾無間斷。且有破隊助戰。二十三日夜間。有飛機七架。轟擊台爾尼愛爾及洛瓦容。擲下炸彈。會見起火。

上星期加里波里半島惡戰不已。君士但丁每日輒到傷兵數千。并派生力軍馳往達達納爾。土京麵包麵粉。現頗缺乏。德使署某員云。若目下情形。長此不已。英法聯軍不久且將入君士但丁。土京屢傳英軍獲勝。故德員有此言。

近日各報。極力推測三協約國大使與首相相互會晤之原因。官場未有正式宣言。但聞日本已決意增加工廠。添造軍械。以接濟各協約國。尤注重俄國。

里加境戰局無變動。俄軍仍在靠佛奴與維爾拉間阻止德軍。

法國在美議借款二千萬元。以償購辦美貨之欠款。

日本新外部大臣。主張更爲親近英法俄三同盟國。

美國現在頗感困難。前因德國擊沈魯西台里亞號及他之商船。并傷及船員行旅。美國迭經要求德國按照公法作戰。德人弗願。近美國又搜獲文據。足以證明德曾煽動美國內地人民。使之抗拒美售軍火與英法之事。德人近又以金錢勸誘美人左袒德國。

美報論及此事。謂德在中立國中國不敢行之事。竟行諸美國。鼓煽美國使不平安。實屬有意凌辱美國云。

本月英皇嘉航空及海陸軍員作戰之勇猛。頒賞勳章甚多。倫敦官報發表加里波里半島戰情。謂澳洲軍隊自安柴克進攻。力戰之後。已占據薩里巴及楚魯克巴山巔。皆係扼要地點。塞國國會多數通過贊成政府政策之議案。并宣布塞國繼續作戰之決心。謂塞國必聯合英法俄同盟國以爭自由。

巴黎二十五日公報宣言。全陣線有破戰。亞拉北面香巴業亞貢等處。尤爲激烈。法國重砲回擊甚力。

法飛機一架。炸彈擲擊德國巴典哇方堡鐵道交點。現有飛機六十二架分爲四隊。擲放炸彈進攻。

法飛機數架。曾轟擊杜爾拉區之有毒煤氣製造廠。德飛機攻擊克勒芒特後。法飛機即攻伊伏里與錫爾巨以報之。

里加境戰局如常。二十四五二日。俄軍在維爾拉方面。阻遏軍德使其不能進至維伊陣地。現德軍漸沿維爾拉河後退。

二十八日十時。有德飛機六架。飛過巴黎。未達目的地。僅於洛卡里特苛爾公班業天空。擲下炸彈。損害無多。法飛機隊升空追擊。升至三千六百英尺之高。卒在桑里斯勝之。



## 命令

### 大總統策令

據內務教育兩部呈稱南通縣紳張謇。慨捐鉅款。提倡公益。振興教育。請特與褒揚等語。水利局總裁張謇。前以邑紳。在南通提倡自治。辦理學校善舉。及一切公益事宜。迭次捐資二十餘萬元。該總裁家本清貧。以創辦實業之餘財。爲嘉惠地方之盛業。洵屬急公好義。爲國楷模。本應加以崇獎。惟該總裁耆年碩德。素却虛榮。應即特令褒揚。風示全國。餘如所擬分別辦理。此令。八月十三日

### 大總統申令

昔孔子觀於鄉而知王道之易。亦以治國之道。始於一鄉。必綱舉目張。乃於詳密之中。得易簡之道。是以周公設官。逮於比閭族黨。管子施政。必自軌里連鄉。東西各國。地方自治之精神。本吾國三代以前所固有。降至漢代。尙重鄉亭。六朝以來。師心變古。良法美意。蕩然無存。以縣令一人之身。坐理數十萬戶口。但能於緝捕聽斷催科等事。奉行勿違。已爲上選。至求東西各國所謂教育行政等。非惟不暇。抑亦不能。予曩在前清。創設地方自治於天津。以次及於各省。根善未固。遂遭改革。厥後暴民用事。良儒藏身。改絃更張。以息狂焰。勢非獲已。夫豈素心。京兆爲全國所具瞻。當定爲模範特別區域。以作自治模範。經飭政事堂另議修正京兆官制。務做西國都市之政。東鄰町村之規。心摹力追。日就完備。京兆尹事務繁重。創辦之始。需人助理。存記道尹。昆東高密縣知事王達。著開缺籌辦京兆地方自治事宜。商同京兆尹分期立限。依次施行。其矢以誠心。濟以毅力。將所謂福利政策者。庶幾遇之。予日望之矣。此令。七月二十一日

前因陝西左近一帶。有布種鴉片情事。經電詰該省長官。據呈愚民乘隙偷種。已飭縣認真查禁。並明白示諭。分路委員搜查。亦經明令內務部行知該省巡按使。切實申禁。毋任不肖之徒。營私罔利。各在案。鴉片之害。創鉅痛深。幸條約禁絕之期。瞬將屆滿。各該長官。宜如何恪遵禁令。絕其根株。乃風聞陝省地方。仍復栽種土藥。官吏竟不過問。如果屬實。呂調元前呈認真查禁示諭。搜查等語。豈非捏詞紛飾。欺蔽中央。着內務部派員前往切實查勘。倘有

陽奉陰違。敗壞要政。惟該巡按使是問。此令。八月初三日

廣西巡按使張鳴歧呈稱。署融縣知事楊道違法受賄一案。遵令交高等審判廳訊明確情。依法懲辦去後。茲據該廳轉據桂林審判廳復稱。該知事因案婪賄。不免為親信所惑。核其情跡。尚非極端貪殘者。比擬依刑律第一百五十條第四十六條褫奪公權處斷。核其酌減之理由。似欠充分。可否依照官吏犯賄條例懲辦。以伸民憤等語。該知事身膺民社。其審理各案。或犯枉法賄。或犯不枉法賄。以及侵佔罰款。多至數十餘起。實屬貪黷殃民。罪無可逭。若不按律嚴懲。何以儆官邪而伸民憤。楊道着按照官吏犯賄條例處以死刑。以昭炯戒。並交內務司法兩部查照。此令。初五日

據財政部呈擬籌辦民國實業銀行擬具章程。並變通營業及招股辦法。請發申令以資遵守等語。我國地大物博。天然富源。夙稱美盛。惟因人事未盡。資本不充。各種實業。尙未十分發達。該部擬創辦實業銀行。以資提倡。自屬當務之急。所擬民國實業銀行暨招股各章程。均尙妥協。其運輸保險兩業。亦係實業上必不可少之事。准該銀行酌量附設。相輔而行。所有一切應行籌備事宜。着

由該部主持。妥速進行。俾裕民生而濬利源。此令。十五日

本年各省水災迭見。雖由雨澤過多。諒以平日水利不修。為其本病。現在財政支絀。未遑大舉。亟應分別緩急。預籌進行。茲據全國水利局總裁張謇呈請。責成被災各省。將業經呈准設立之水利分局。或水利委員會。河海工程測繪養成所。尅日成立。並將被災區域。繪具圖說。咨送該局暨內務農商兩部會同考核等語。洵屬切要之圖。着即准照所議。責成各省巡按使。將上項機關。尅期籌設。並將被水情形。分別詳細咨報。以資規畫而利進行。此令。

大總統批令

司法次長江庸呈請培養司法元氣由

司法獨立制度。為一定不易公例。雖一時未能遽臻完善。儘可責備賢者。不當嫉視法官。該次長所陳各節。深有見地。即由該部通行京內外審檢各廳。振刷精神。益圖上理。用副期望。此批。

司法部呈駁張鳴歧呈報楊道違法受賄一案。諸多錯誤。並請嗣後遇有此類案件。仍由部分別呈報由

准如所請辦理。即由該部通行遵照。此批。

## 文牘

司法次長江庸呈請培養司法元氣文

爲司法元氣亟宜培養。敬陳管見。具呈仰祈鈞鑒事。竊庸於七月十一日視察東三省司法回京。辱蒙傳訓。溫語慰藉。且感且愧。惟瞻對之過促。下愚之見。尙未及陳明於鈞座之前。退思旬日。不敢終自緘默。上負大總統求治之盛心。謹抒所見。以爲涓露微塵之助。查東三省司法。以奉天爲最有進步。吉林次之。黑龍江又次之。當此經費奇絀。法令未備之時。該廳長檢察長等。能銳意整飭。除舊布新。該推事檢察官等。能不辭勞瘁。恪守官箴。其精誠勞力。實有不忍沒滅者在。惟推事檢察官中。學識經驗。間有不能勝任愉快者。人才消乏。莫甚此時。推之他省。當有同概。爲國家樹人計。則以養成人材爲根本之圖。爲目前用人計。則以激勵人材爲救急之務。前清咸同之間。天下糜爛。曾文正胡文忠以大亂爲不足平。取天下人才。激揚而鼓舞之。士氣軍心。爲之一振。卒收掃邊廓清之功。可見人材消長。惟居高明之地者。爲能操縱之。其造端甚微。而收效至巨。有如是也。今法界乏才之患。局中局外。咸共睹聞。

大同月報 紀錄門 文牘

然推原所以乏才之故。半由前此程功太驟。以濫進而未善選材。半亦由邇來責善太苛。以畏譏而沮其向上。庸視察三省司法時。接見法官凡百餘人。幾無人不憂司法制度之破壞。危疑挹鬱。有不安於位之心。究其所由。非觖望於俸給之薄。而實悚於辦事之難也。蓋緣世人對於司法。抨擊日加。對於法曹。詆譏尤甚。自愛之士。既爲司法前途抱無限之悲觀。即當執行職務之時。亦氣餒而不自振。夫用人者亦用其氣而已。今日法官志氣沮喪。一至此極。卽有可造之材。亦歸自廢。加以衆謗所集。誰無畏避之心。誠恐智者相率遠引。而所留者。獨餘下驥。則將來整頓之望。乃真絕耳。且庸以爲今日司法之爲世詬病。原因甚多。似亦非盡由於法官不肖。有操術不同。而致生誤解者。如行政官幕僚之譏議是也。新舊審判之不同。與中西醫術之衝突相類。西醫中鹵莽滅裂。草菅人命者。固時有所聞。然苟就科學以下。公評豈得謂西醫竟無價值。中醫之以藥殺人者。一歲不知凡幾。相率習爲固然。獨自西醫偶有失當。卽指斥其術。謂不足信。揆之事理。豈爲持平。昔之司審判者。以武健嚴酷。爲尙刑。訊取供。羈押責伏。案之易了。理有固然。使

今之法官亦操此術安見其成績不能如舊特揆諸天良既有不安按諸時勢恐亦有所不可耳夫舊法之行既千百年矣遠者勿論試思全國之中百年之內其聰明正直折獄如神者能有幾人而小民坐此之故覆盆無告者其數何限不回思舊日官吏之貪橫而惟責今之法官以神聖寧非偏激此外論之宜審者一也利害衝突而寢成嫉視者如達官巨室之攻擊是也昔之官吏以承順長官意旨為能以不得罪巨室為術司法官之程度雖極幼稚然於此二弊平心論之似較愈於舊時然正以此一節之長遂益以成衆矢之的今舉國中惟京師法官差能行其志而舉其職此皆由於大總統能舉維持司法獨立之實故奉公者得以自效外省情形安能如是軍警動行干涉紳要時有陳請一旦不應誘誑隨之市虎三言積毀銷骨此外論之宜審者二也庸既隨長官之後陪貳部務積有年所而治效未舉叢咎滋深方當痛自懲艾豈敢多所陳瀆然見聞至切故敢披瀝胸臆伏思司法獨立之業惟我大總統在天津實首創之比者約法重頒明文炯著是我大總統維持司法之用心既予天下以共見而默觀內外

人士於大總統睿謨所在似尚有未盡曉然者往往妄自揣測以為司法制度行將廢墮其不達治體原無足辯然多數心理有此懷疑則方針不明貽誤實大伏乞大總統明降申令勉勵京外法官務須振刷精神本良心法律以下裁判不必有所顧忌如是則司法之精神一振司法之基礎日固為司法官者有不奮發興起以副大總統之望者乎法務之興廢視司法當局者之精神而轉移司法精神之權實操之於大總統庸是以不避冒瀆敬陳其愚所有懇請培養司法元氣緣由是否有當理合具呈陳請謹乞大總統鈞鑒訓示施行謹呈

司法部呈駁張鳴歧呈報楊道違法受賄一案諸多錯誤並請嗣後遇有此類案件仍由部分別呈報文

(前略)查本部於民國三年六月間准該巡按使咨陳署融縣知事楊道所得賄款據查明可考之數情節最重可否請予即行正法請備案等語正在核辦旋奉申令將該知事發交該省高等審判廳訊明確情依法嚴辦等因經電覆該巡按使將此案發交該管法庭審理在案近據廣西高等審判廳及桂林地方檢察廳先

後詳報。此案經桂林地方審判廳判決後。被告業已申明上訴。現未據報判決確定。該巡按使遽呈請執行。是中途剝奪。該被告人受上訴審法院審判之權。與約法第七條之規定不符。此錯誤者一。又本部據桂林地方檢察廳詳送原判決書。內載楊道係依官吏犯贓治罪條例第二條及官吏犯贓治罪法執行令第二條第三條處斷。復適用刑律第九條依第五十四條約減本刑一等。並依刑律第一百四十條第一項及第三百九十二條處斷。數罪俱發。依刑律第二十三條第二款執行無期徒刑。並依刑律第一百五十條第四十六條褫奪公權全部終身。恭釋申令。該巡按使呈據高等審判廳轉據桂林審判廳覆稱。該知事因案禁贓。不免爲親信所惑。核其情跡。尚非極端貪殘者。比擬依刑律第一百五十條第四十六條褫奪公權處斷。核其酌減之理由。似欠充分等語。是該巡按使於原判執行無期徒刑之主刑。絕未呈明。一若原判僅將楊道依律酌減爲褫奪公權之從刑也者。殊與原案不符。此錯誤者二。普通訴訟案件。現採用三審制度。原爲糾正下級法院判決違誤起見。此案即使初審判決處刑失之太輕。上訴審自有

救濟之道。本部前准政事堂鈔交安徽巡按使電請高等廳判決。失平案件。由巡按使行廳覆審各節。奉大總統令交部核議。具覆等因。當以巡按使對於檢察官起訴案件。如果見聞較確。儘可逕行指揮。當該檢察官提出事實證據。藉以匡正。違誤判決。前即有救濟之方。似不必待諸判決後。重申覆審之議。萬一案經補救。仍有如該使所稱失入失出等情。則量其情節。如在法律範圍以外。自可由監督者呈請交付懲戒。如在法律範圍以內。並可指揮檢察官提起上訴。經呈奉批准在案。該巡按使對於楊道一案。如果認爲確係失出自可指揮檢察官依法上訴。乃計不出此。而呈請改定刑名。既超越司法行政監督範圍以外。亦與本部呈准辦法不符。此錯誤者三。至官吏犯罪案件。除官吏犯罪特別管轄令定明特交案件。應由本部呈報外。其普通管轄案件。應由本部分別專案或彙案呈報。業經本部於彙報官犯王文煥等案。呈內聲明於本年三月十二日奉批。令照准。歷經遵辦在案。該巡按使於楊道一案。自行呈報。亦與批令不符。此錯誤者四。似此種種錯誤。若非呈請補救。誠恐各省尤而效之。馴致錯誤紛出。殊與法治前

途有礙擬請明令通行嗣後官吏犯罪普通管轄案件仍俟判決  
確定後一律由本部遵照本年三月十二日批令分別呈報毋容  
各省巡按使自行呈報致滋錯誤(後略)

歡迎誦閱月霞兩法師講經啓

蓋聞義林與曠非言無以迴其機至教幽玄非人無以弘其道語  
默一致並契不二之門定慧雙融始接無爲之化鹿苑四蹄之旨  
法振初輪鶴林三身之譬道光末劫燃燈讚聖足七日而翹誠寶  
積獻僧百千光而表瑞舍利佛子施目而發四禪最勝仙人滴血  
而求半偈故得千燈永照一指競烘智水珠澄布慈雲而霑赤塊  
意苗玉朗舒慧日而耀昏衢遂使涼臺寶笈爭圖顯節之凌洛川  
石函還起須彌之殿莫不家尊神足俗演圓音康會南邁則吳帝  
解襟圖澄東游則趙主擁篲捨身布髮乞腦歸心在淨住之衆中  
依莊嚴之講下年逾千禩化洽四生有由然矣自玉衡掩曜於堯  
年金鏡輶光於嬴代安國赴隴削迹故山彌天逃秦棲真舊楚玄  
黃瀨洞蒼赤流離給孤之苑但有布金物利之宮無聞湧塔何充  
佞法交臂恨失神僧呂才辯玄涉目輒成魔外化城易失覺岸無  
津不視大德之顯揚安尅一期之冥寤有誦闍法師者戒染三衣

道養四果是善埽善見之友作入天調御之師早誓願船遂被忍  
鎧有宗八聚扇芳軌於光宅圓教十如抗希聲於臺嶺半滿之字  
如水瀉瓶大小之乘將花貫絡有月霞法師者超地標希化儀迥  
秀周涉萬里應扣諸方青蓮粲舌辯摧鏢腹之寶白足應身慈被  
卉衣之國三堅馳譽七衆歸誠敬爲不動之尊了是無師之智素  
稱都講實曰閤黎聯步迦維振錫部甸似家依之桴交海制止道  
揚譬支遁之出剡山迎居高座豈同杯度但樹心無之義庶幾信  
肇無愧說空之首澄海等或皈依了義或鑽仰淨因張融遇病偏  
嗜僧言靈運遺榮自薰慧業白驪兆異欣道朗之再逢青苴應期  
卜鳩摩之遠賁爰因恣夏遂顯法施時則江西會館地據塵中勝  
超人外黃楠五尺詎異巢山碧蓮九莖還疑慮阜聲音之樹無風  
自鳴頻伽之鳥在殼能韻敷琉璃之座築瓔珞之臺心心奉鉢亦  
有始天額額獻珠非無龍女加以義山執拂彥和燔鬚聞喜相公  
奉宗密作師導廬陵王子禮慧琳爲常供受不請友起大悲心建  
迦葉之白椎鏤世親之赤簡將使法流神漢共尼運而等懸道樹  
寶珂與貝多而普蔭敢抽祕藻式導覺津凡在勝緣無孤法喜庶  
梁家同泰之講遠軼南宗姚氏逍遙之集重輝北地謹啓



## 譯述門



# 哲學類

德國哲學家聶奇學說之概要 (續)

莫安仁 許家惺

古昔聖賢則謂力之上尙有理焉。或爲上帝或爲天命。特是種宗教上之觀念。與吾人理想亦有相同之點。彼卽以上帝天命爲其權力之所在耳。抑知天演物競之說。洵爲扼要蓋物苟具有權力卽能生存。且凡物皆由競爭而能生存。是爲不易之公例。故當以是爲重要之點。推達爾文。但以是概有機物而格致家亦主張。是說謂人類但爲萬物變化而成之形狀。聶氏則謂非由萬物變化而成。人類實由人類變化萬物使成其形狀。蓋卽以人之腦力變化而成之。是以萬物之變化皆由人類腦力變化而成。是卽聶氏哲學主義之大概也。

聶氏復評論哲學家時間空間之說。謂此種理論果由人之意志所構造乎。抑人之意志外果有所謂時間空間之存在乎。且物體之存在果由物之客觀乎。抑由吾人意志之主觀乎。唯心唯物從違各異。而聶

氏則謂自柏拉圖以後人類思想皆有誤點歷代理想皆沿襲此誤點之所致耳。

### 第七章 聶奇哲學之主義

柏拉圖曰物界之外尚有靈界康德則曰合物界靈界而成一體而賽林謂人之靈魂具有自覺性沙烹霍爾則謂理合於物等理論究之是種種學說果爲人之思想所構造乎抑固有此真理之存在乎而聶氏則謂彼等皆有誤會蓋彼等以其意念理想與其發生意念理想之能力區而爲二故其理論有誤點矣凡人之理想必先基於事實如所謂空間時間及事物之原因結果等是皆爲以前哲學家智識之根源但聶氏則謂人之理想皆恃人之能力而生若空間時間及事物之原因結果等於理想之本體初無重要之關係雖其理想固有裨於世人但其所裨益者僅屬於事實而非屬於理想之本體故聶氏對於人所尊崇之理想恆藐視之以爲余有時對於虛言視之較重於事實但視理想之有能力與否爲標準初不必計其善不善也是以聶氏不獨反對以前之格致派且反對以前之理想家彼謂理想之良否卽視其有效用與否以爲衡當知理想之爲物卽由理想之能力所發生其最要者卽以能力爲器械以成其理想耳是以世人所尊崇之真理恆爲氏所不取也。

總之氏之主義謂理想雖爲智識之本原然如天命上帝等理想實皆虛懸無薄蓋凡人之理想亦皆具有競爭之理如物競然物有優勝劣敗者理想之優劣勝敗亦如之故理想亦必貴有能力其所注重者



理想之存在者必具最強之能力是即聶氏權力主義之說也。

### 第八章 論智識

由前章所言氏即以天演之理論爲其哲學之主義以爲吾人智識對於外境之適合亦與物類之適合於外境相似蓋吾人之智識皆屬於主觀然智識本屬空虛故其對於客觀仍屬未能明晰是以吾人智識非屬於確實但爲適合於外境而生人類所具之智識僅發達其權力主義而已是以不得謂吾人智識爲不可變易者亦不得謂吾人智識有固有之價值因其智識之本體爲空虛耳是即聶奇所創之理論也由是而論吾人對於真理亦但視爲一種之幻象非永不變易者惟真理能發達人類臻若干程度吾人即從而尊崇之智識亦能發達人類臻若干程度吾人亦從而尊崇之非真理智識之不可易也哲學家之謬點即在其假定之概念聶氏以爲人之概念初無一定隨時改變不能膠執而哲學家每視概念爲實有是物是即謬誤之點要之概念猶程途也亦即爲人所用之器具非果有是物也餘若時間空間及事物之原因結果等概念皆爲人所重視但其中初非果有是物惟於人類事實有相關耳要知人心固有辨別之機能或具保衛同類之意志是即顯明人類有權力主義也即美術之感力亦爲人類權力主義及創造主義之一證故人類欲一競爭於此以求其適合者其心中亦但欲求得其權力而已蓋人有智識即爲操有權力之券證智識與權力有密切之關係智識所以增益其權力權力所以發達其智識所謂智識者恆人論之則有善智識與不善智識之分然在氏論之則無所謂善與不善然

視其能適合於時地否耳。故人則注重於理義，而氏則注重於利益智識。所以發達人類，惟人所以求智識者，亦但求得其利益耳。利益多則多求之，利益少則少求之。或者謂因人之權力大，故其所求之智識多，人之權力少，故其所求之智識少。總之人類之心，覺世界萬物皆能適合於吾心，則必以其所適合者爲理義無疑。至於人之靈魂、真理、思想、知覺、主義等，則皆無是物，但爲虛誕之理想而已。即主觀客觀等理想，亦同屬於虛誕。其最要之問題，即人類能明察萬物適合之理，以求能自保之能力也。特余所反對之主義、真理等名詞，惟反對理論家之所謂主義。蓋彼必以主義爲善，爲不善，或無分於善不善耳。更反對哲學家之所謂真理。彼言真理必在人類以外，且高出人類爲余所不能贊同耳。

以故凡昔人思想之要理，聶氏皆反對之。謂哲學家所注重之原因、結果等要理，初非不可移易者。特出於人類理想所構造，非本有此物也。但於新理想未發生以前，亦可暫爲援用。苟無此理想之要理，則恐有損於人類，惟不得謂此理想果適合耳。氏獨以乙之新理想爲唯一適於實用之智識，即所謂權力是也。力本人類發生之要素。試觀萬物各以力相競，優勝劣敗，是爲不易之理。世界生命即爲權力。普通之現狀物因爭存與他類相競，是萬物皆然也。物類之競爭，亦即所以發達其權力主義也。可見權力主義實爲萬物生命之公例，而不可移易者。凡思想物質皆寓此意。其發見於智識者，則因智識但爲於世界中求一保衛生命之道路耳。或發見於道德，則因道德云者，即於一人羣中，或於一定時期中，欲顯其權力主義而已。故如理義云者，亦僅屬於安置人類之方法。否則人類必擾亂無秩序，是以求其實用，亦惟權力主義一端耳。

(未完)

# 政治類

中華民國三年之外國貿易 (續)

王調生

論及南方諸省稻米之價固稱低廉因歐戰影響外國貨物價值頗見騰貴而日本貨物遂得乘機輸入據廣東海關職員華愛德之報告進口貨物自歐戰開始價值增多紙類增加百分之四十至六十顏料百分之六十至一倍糖類百分之五十火柴百分之六十出口貨物價值則頗見減少絲類每擔低減及二百元粗絲百分之二五獸毛百分之二十皮革百分之一五而毛髮草蓆之輸出或幾乎息廣東盜賊衆多商船嘗爲所劫西江又苦水患其與商品貿易又皆有直接之影響也

至於邊境商埠貿易情況固極佳盛直至秋間因無匯兌市價匯款至香港上海咸苦不便而旱災爲慮收穫歉減米價每擔自四元八角增至十二元商業遂亦停滯而錫之輸出因市價低落頗受阻抑惟現騰遠至緬甸之八莫興築鐵道轉運貨物與商業固多所增益也

稅務收入 總收入共計關平銀三八九一七五二五兩比諸二年短收五零五二二八兩但二年較諸元年計增四兆則本年短收之額就此特別情勢而言固不爲多况土稅釐金減收計及三一零八六八零兩則普通貿易稅項所減僅一九四三六四八兩耳本年上半年稅務收入雖土稅釐金減少一一九二七八二兩總額較之二年猶多八八九二零零兩而民國四年份之稅務收入則與二年相侔惟望

後數日間貿易增盛。庶稅項得以增加耳。

外國貿易 本年直接外國貿易總值計海關平銀九零二三八九九二兩。較諸二年計短七一零七八一八一兩。但比諸前此各年均居多。數進口貨值僅減一三零五三五零九兩。出口貨值則減少五八零二四六七二兩。本年前半年貿易狀況固極佳。盛六月尤然。其總額低落。蓋全影響於歐戰也。

(一)進口貨 鴉片之輸入者。本年共七四七八擔。上年猶一八一三八擔也。惟是上年總值僅關平銀四一零二二零一二兩。本年數量雖經大減。價值則至騰貴。總值計為三七三四四六五三兩。本年之始。關棧及香港存土計一四五二九箱。因政府禁吸之嚴。銷數減半。迄於年杪。存於關棧者猶有五三八一箱。存於香港者一九一七箱。轉運於香港上海之間者十八箱。俟存土銷淨。印土之輸入將成一過去之事實矣。本年閩浙豫鄂四省皆經禁種罌粟。依照中英條約。中外土藥均不得輸入也。

輸入棉紗織物之總值。去年計一八二四一九零二三兩。本年則減至一七八二五九零四五兩。棉紗貿易本年殊見減落。而就輸入之棉紗。中日本貨殊較英美貨。獲有進步。輸入羊毛織成之呢絨。亦減落百分之三十二。是蓋由國民衣服多用國貨之故。金屬之輸入。則與上年所輸入者相仿也。

論及雜物。因歐戰之影響。輸入之數頗見減少。顏料。玻璃。洋針等物。莫不皆然。惟美國之洋油。則殊有增進。即日本之低品洋油。亦有進步。糖類受歐戰之響應。輸入頗少。惟價值亦大見昂貴耳。

(二) 出口貨 本年出口貨中最受歐戰之惡影響者絲是也。當上半年間絲市尚佳，繼以收成欠歉，價值增高。歐戰既起，各項出口貨物一時停息。上海各縲絲廠既以缺乏資本，停工外國商人因銀行不予借款及轉運維艱之故，亦難於履行契約，而絲市遂幾停息。厥後中國交通兩銀行設法扶助商人，絲市乃大起色。曷歷十月間，英美及歐洲商人多所購辦，益見進步。但至年杪，又復歸於遲鈍。上年絲之出口總值計關平銀一零四八五二一四一兩，本年則僅關平銀七九五六一六六七兩，言其損失以金鎊計，蓋及三兆五十萬鎊。以關平銀計，蓋及二十五兆二十九萬餘兩也。

茶之貿易全在歐戰之先，故未受歐戰之影響。紅茶輸出增多九兆四十九萬二千磅，綠茶輸出略見減少。美國加拿大之需要均見增多。歐洲採辦紅茶之量亦較上年為巨，但綠茶則見減少。統觀全局，紅茶輸出雖略增加，然除上年外，以前各年輸出之量蓋無不高於本年者也。海關稅銀現雖自一兩二錢五分減至一兩，然印度錫倫之茶則概免關稅。中國之低品茶葉既完釐金，又納關稅，欲與印度錫倫之茶爭衡，歐美之市蓋戛戛乎其難。預計中國茶葉輸出之額勢必按年遞減，欲圖增進，惟有免除釐稅及監督製作二法。利源所在，何忍坐視其墮落，挽回補救是有望於政府及商人耳。

此外，菽、豆、油、鐵、輸出概有增加，皮革、繩帶等物均見減少。統計出口貨總值，蓋減少十四兆鎊餘也。

船舶 歐戰既興，英、法、俄之船艦多由其國政府顧用，於是各中立國船舶乃大獲利。本年船價增長，又

益以兵險之費殊不足以振興貿易也。

金銀 銀之價值自正月以至七月皆臻佳勝所以然者因希望中國買入改良幣制之故至此舉失望銀價遂由二十七辨士又四分之一跌至二十二辨士八分之一本年十二月杪上海各銀行計存上海規元六十一兆四十萬餘兩洋二十一兆三十萬元香港存洋約三十兆元統計全年銀之進口出口總額計出口超過進口者共關平銀一三六二二九四九兩但匯往香港者計關平銀七二三八七六三兩亦在其中香港固仍中國土地之一部也而上年進口超過出口者約及關平銀三十六兆兩云

本年外國金價增長於是中國地金遂亦多少輸出計運至美國者值關平銀四三九七五三一兩運至日本者值關平銀六一九八零六一兩運往歐洲者值關平銀二七零四四四七兩云

進口出口金額之差 進口貿易出口貿易金額之差計進口之超過出口者民國元年海關平銀一百零三兆兩二年海關平銀一百六十七兆兩本年海關平銀二百餘兆兩按年遞長國民多驚愕於金錢流出之鉅而其實亦有未盡然者蓋外國外交官軍旅人民之駐在中國者既多費用而教會學校醫院之設置尤費鉅金僅進口貿易超過出口貿易固不足執爲金錢流出之據通商而還歐洲工藝之學日漸播於內地工藝發達固富力增長之源泉也使中國更能擴張鐵道計畫改良幣制廢除通過釐稅則商務益臻發達中國之富強固可計日而待也。

英國治印問題 乙編 (八續)

莫安仁 徐惟岱

以上是有英官發問。英官笑而答曰。彼等都不熱心任事故如此。凡事不以爲重要。如劇場然。徒飾外觀而已。間有一二熱心任事者。人反嗤笑之。以致政法各界。均如打譚一般。故予不信其能改良至絕好地步。蓋察其情形。國中雖不乏治事之才。然大抵皆以失望之故。而退抱消極觀念與厭世主義也。故外表與內容。適一成反比例。按其土酋之言。謂如中央政府即英國政府能重視予。敬服予。則我民必有發達之一日。據斯言亦有理由。其對待英政府。恰又出自至誠。可以表示於人者。蓋印度之與英倫。本兩方面互相聯合。英興則印度亦興。英衰則印度亦衰。故其忠心於英政府之證據甚多。如一千九百另一年。英皇維多利亞晏駕時。其一番忠誠恭敬之心。既深且厚。蓋有感動故也。以爲一切均賴英皇保護之恩。得免戰禍慘劇。以能保我子孫黎民。尙亦有利哉。且發展我開礦之利。築路之利。保護我各土酋嗣王繼承之權利。不至瓜分。此皆英皇之恩德。有以致之也。不獨我國。即我土酋亦屢奉贈寶星以榮耀我。優禮我。故受恩深重。感激非常。遂令我紀念英皇於不置也。尙有一事足以代表其服從英皇之心。有海德勒巴士酋者。於維多利亞垂危時。有一人手殺二弟。其弟婦二人控告極嚴。雖經兄嫂跪求不顧。即定其人爲死罪。土酋亦以爲不可赦宥也。正在臨刑時。土酋聞維多利亞之病狀。憂心如焚。印俗以爲臨終之人。禱告必有效。故土酋即令該罪犯代求。英皇禱告不死。即可赦免。當事人許之。因即獲免。又一八八五年。英國

於阿富汗國。頗受困難。此土酋即願出六十萬金鎊助餉。且於阿國邊境親出防護。以遏阿國之亂。今其國庫中均儲有如此證書。可代表其忠心向英之意。故印度土酋對於英國前數十年。極形排斥。今則自恨排英主義之不當。而一變爲親英主義。服英主義矣。雖未必人人如此。然大概凡受英政府之感化者。莫不有取法乎英之意。以爲治國楷模。未來準則。始足爲印度多數人民謀幸福焉。予意將來各土酋。必全體同化。勢也亦理也。然土酋中又尙有反對其英國顧問員者。意以爲妨礙其自由也。雖各顧問員端莊對我。明明一使用之人。儼與主人無異。且時時窺伺我舉動。干涉我事權。凡經顧問員決議之件。必求實踐。無可變更。不特我受其虧。且顧問員在此。我民均以反抗我故而受虧亦極多。尤不便者。既有顧問員臨其上。已大失我之體統。與我之名分。我民亦未必不弁髦王法。輕褻天威。君民之分。其何由定。故土酋尙有不甚相安之處。且民間輿論。尙以爲英政府寬待其王。而王則以爲顧問員事事爲人民計。不爲長上計。若再以嚴格待我。勢必民權日伸。而君權日縮。我民將不受我之管束。而我之威福掃地矣。夫是以土酋一方面。欲求英釋放自由。而百姓一方面。則欲英政府嚴加取締。其兩方面各執一詞。不相讓步也。誰是誰非。我亦不能遽定之。

其改良財政之法有二。宜分別言之。一爲劃定公家之款項。一爲規定王家之經費。當此未改良以前。視國庫如私囊。取之不禁。用之不竭。公款之簿記。亦不完全。雖自改良後。弊尙不免。甚有侵蝕浮冒。帳目不



符之病。然已較前大進步矣。土酋收稅。大抵效法英治印度之稅制。先用計學家種種之算數法術。與測量手續。或以稅重則減之。水災則免之。有巴樂大小國者。現創行入息稅法。以每人入息之多寡。爲納稅之準繩。人咸稱其公道焉。

其有水旱各災地方。則亦極改良。由他處運輸民食以相接濟。并以工程代賑。另闢小利之源。以救災荒。至幣制一端。從前極腐敗。今亦改良矣。由是以觀。土酋之進步。固日新月異而歲不同也。雖然。改良二字。談何容易。我人當求其實質。不可徒取其外容。以前各土酋籌辦改良之法。各處張有告示。然究居少數。如初議欲開農業銀行。極形踴躍。未幾即渙然冰釋。莫可進行。以組織法與管理法不善故也。又如土酋國中亦立有議會。而所議既不折衷法理。又不根據事實。初其宰相甚喜之。於以請求改良。并彈劾其失職無狀。宰相即以壓力解散之。其他若此類者尙多。故土酋中凡欲步武英政後塵者。其成功必不大。更如巴樂大國。其國內之應行建設者亦多端矣。嘗立一行政會。其提倡此事者。即向爲英政府高等官之一印人。是人頗責備英之用專制手段於印度。及退任爲巴樂大之行政長官。遂立此會。事事惟師英國專制之法。雖不甚善。亦有進步。風氣既開。各土酋亦大都被動。前則立一法。行一政。不問人之輿論如何。而惟以武斷處之。偏私治之。今已略受外界激刺之力。與社會聯絡之情矣。即消息報告。亦極靈通。悉去從前隔閡之弊。蓋多欲閱報紙以覘國事。識民情也。有人謂我於一九另五年。曾向最先開化之土酋詢

以印度究往何處進益。僉謂非英人之功不至此。

## 第二章 緬甸

### 第一節 緬甸民族與土酋

緬甸人種共分四大族。西南爲青族。迤北爲卡清族。迤東爲南掌族。東南爲卡人你族。清族多山居。卡清族居伊洛瓦底江之兩岸平原。然亦有山居者。山居之下。兼有他民族。南掌爲緬甸迤東之一族。其中又分南北兩族。北人居伊洛瓦底江及怒江之中間。南人居怒江之旁。兩江之山水秀麗。甲於全國。且有平原高山。其江有寬有仄。兼有飛瀑流泉之勝。甚奇觀也。其民族之由來。年湮代遠。至今無從考查。氣候不定。有寒有燠。每年雨水亦不少。以潮熱過重。他族尙可安居。而歐人則頗不合宜。卡人你族亦居怒江之左右岸。

清族佔居之地面極大。族中所分各族亦不少。其中凡分四族。隸處四方。英政府各派一英人管轄之。南掌人之山居者。嘗闖至山下劫物而回。故時有刑事控案。惟其地氣候甚佳。人咸樂居之。其行政地方一在八莫。一在密得開拿。八莫凡分三區。均英人爲之主持。蓋所以管理苗蠻之法也。不敢聽其自由行政。兼設農工各官。有專司而無定額。

(未完)

社會改良策(續)

衡德森 鍾春暉

左爲英美私家慈善會之法制。今請觀德國公家救貧之方法。則西方惠民之道畧可見矣。

一各城均設有放賑官。專理救災濟貧事。其人必道德學問。素爲國人所稱頌。並有格致之經驗者。謂爲城放賑官。

二城分爲區。於每區中遴選富紳數人爲義務放賑員。謂爲區放賑員。不受薪水。一月聚會二次。商議該區應辦之事。每放賑員分管貧人數家。有巡視各家之義務。以察看其情形。報告於區議會。如經區議會通過。則上於城放賑官。請其撥款救助。凡辦事之義務人員。須有仁慈之德。並無偏私舞弊之行。方爲合格。

三貧家歷史。及其受災之情形與緣由。均記載分明。存於城放賑局。爲後來考究之用。

四區放賑局。所議之事。不可越出該城法律與規例外。德制之善。在於合公私之美德。仁政於一爐而冶之也。義務放賑員。巡視貧家。見貧人偃蹇疾。怵惕惻隱之心。未免勃然而生。定不徒解衣衣之。推食食之已也。必思改良社會之制度。及挽回工業之困難。設法以善其後也。

(四)賑濟癸獨之要道。賑濟貧家之道略如上所論。而賑濟癸獨則又宜另籌善法。西方各國古時之醫院。卽癸獨棲流之所也。蓋匪特收納疾病之人。凡遠客孤兒。疲癯盲瞽。老耄無依。愚憨無能者。無不悉數歡迎。日進月邁。各類留養院。漸次成立。安濟之方。因而愈增完備。其詳細辦法。非吾書所能盡述。其大

綱約如下。

一 無辜孤孩。宜設蒙養院以居之。夫以無知童子。而與淫惡狂暴之徒。同其居處。今人多知其不宜。故主張留養良家。頗不乏人。然設立專院。使與年長者隔離。以免沾染惡習。亦爲合宜辦法也。

二 阨窮耆老。須有頤養院以安之。然老者之中。又須擇其性情相與者。類聚羣居。庶無毆罵擾鬧各情事。三 疾病無告者。宜有病院以治之。溯自格致技術。政治社會。大進之後。醫藥慈善會。亦日漸發達。各種醫院相繼並興。如外科醫院。內科醫院。婦女醫院。嬰童醫院。防疫醫院。產科醫院。公私皆有。貧民得其保全者。不尠也。

四 貧家子弟。須有義學以教育之。前歐美各國仁人善婦。鳩集巨資。設立義學。栽培貧人子弟。造福國家不少。今文明之國。其政府漸知教育人民之道。籌撥公帑。特設義學。施強迫教育。而貧家子遂無向隅之嘆。至於頑惡不馴之子弟。非常校所能容納者。則特設開頑學校。用極嚴緊之校規。及循誘之法。則以感化之。此外尙有各種官私學校。無不以教育普及爲目的也。

五 神經錯亂及薄弱者。宜籌善法以處置之。甲 狂疾。昔者凡遇神經有病之人。皆置之囹圄。等於囚虜。蓋古人所着想者。祇以保閭閻之治安而已。迨至中古之世。亞班牙、意大利、教會中慈善之修道士。始特設養風院。待以懷保新術。此等慘酷之禁錮。遂漸廢。近至十八世紀以來。醫藥之學大明。神經病之療治法。亦大加改良。此等遭遇不幸之人。不視之如鬼崇魔憑之徒。而視之如得疾病。應加調治者也。自人道格

致兩觀大明之後。養風院隨處皆有。而殘酷之事。遂漸消滅矣。乙癩瘋。癩瘋非狂癡及愚憨之可比也。未發之時與常人等。一發則危險非常。時有性命之虞。熱鬧之場。機器之廠。皆非所宜。有種癩瘋無倒仆搖擺之狀。惟發惡癖。致人有戒心。倘犯法律。非刑罰所可警。故近今特設墾場。聚所有患癩瘋之人。耕種其中。以免遭遇不測之禍。吾美行之功效卓著。且癩瘋有遺傳性。不准娶妻生子。庶此項危險之病。不致遺傳後代也。丙愚憨愚憨者。腦系不能發達也。十之七八多係祖傳。非教育栽培所能移。於此優勝劣敗之世。難以生存。近來政治大家皆欲設法藉資限制。凡賦性愚劣之人。當另直一方。足其衣食。教以工藝。禁其生育。庶不致再有愚蠢之子。以重全社會之責任也。

六聾瞽啞瘖。宜設專院以教之。此類廢人多倚賴公私之慈善爲生活。如設專院栽培之。樹其自立之道。則社會之擔負。或可稍輕。吾美各省多有聾瞽學校。聘專門教師以扶植其殘缺之才。至於四肢不全之幼孩。救濟之法。始發其端。他日造福。亦必不少也。

(五)賑濟災荒之要道。水旱之災。歐美各國今已不見矣。非天行之獨眷。實人事之大進也。間雖有荒歉旱潦之事。或火災地震之禍。然較之中世紀。不啻有霄壤之別。所以然者。其故有五。一蓄養樹林。以調氣候。二開鑿河道。以興水利。三建築鐵路。藉通有無。四獎勵保險。互濟吉凶。五捐撥巨款。救振橫災。苟人事慎密。天災雖酷。亦未如之何。中俄印度。所以時遭水旱之禍者。實以人事不講也。乃若兵燹厲疫。非人意所可預料者。則有紅十會體上天好生之德。爲救災卹鄰之事。現時各國皆起尤而效之。造福災黎。其

功匪鮮也。

(六)防患未然之政策。慈善事業一活動。國家因其影響。遂生一種新問題。昔者罷癘廢疾。無論國家社會皆持放任主義。任其自生自死。或置之囹圄。或處以大辟。此等廢人遂漸以減少。自醫藥之學大進。博愛之說大昌。不適生存之人數日增不已。道德之激動力。宗教之感化力。既不許置若輩於死地。則案宇宙生人。必有生活權利之說。惟有賑濟以保其生而已。如救濟會不能切實遵崇此種信條。冀其持久有未能也。

是故欲使社會慈善事業。不因廢人名數日增。而改變其態度。則又當以慈悲惻怛之手段。行防患未然之政策。本格致新術。盡人道盛情。設法以善其後。庶不致依人生活者。有日增月盛之勢也。

泰西防患未然之政策如下。一進種。二教育。三馴暴。四衛生。五愛羣。如能於此五問題上。竭力講求。以救其敝。則社會疲弱凶殘之份子。必漸以減少也。

愛羣問題該括甚廣。其廣義係助貧致富。其狹義則係扶傭抑主。使社會上大多數之經濟均融。無困苦流離之慘。此乃講社會學者之所注意。亦吾書所常論者也。公衆衛生之政策能實行。則以病而致人亡家破之事減。教育普及。則庸懦之人少。進種者。馴暴者。皆擇尤去劣之謂也。進種之法頗多。狂愚廢疾之徒。另置一方。禁其生育。亦其一法也。蓋若輩既倚賴國家之賑款以生活。則縲之寡之有何不可。泰西各國多採用是法。足其衣食。待以寬恕。則有力者亦能工作營利。以助廢民院之經費。質言之。用格致之術。行慈善之舉。百無一害也。

## 傳記類

李司特耳傳略 (續)

王調生

此故事頗連及一富於能力之人物。卽那丁格兒女士。是各醫院之污點。賴女士之力。因而蕩滌。當其時醫院之不潔。不僅原於膿腫血毒惡疽諸症。爲創傷之須割治者。卽血斑蒸熱痢疾諸病。亦其原因。女士嘗致書當道。謂庫盧里之醫院。慘惡最甚。就二月份論。每治二症。卽有一死。合庫盧里及斯古他里言之。同月間。每治五症。卽有二死。因死者之多。生者之創傷。乃益加劇。延二三日。又復死亡。蓋其室內空氣之惡敗。乃增病致死唯一之原因。入院就醫。非徒無益。且能喪命。自第二月一月。觀之。死亡之數。卽當常時全年千分之四。一五。若以十二月論。死亡之數。至少當四倍於斯。政府召募兵士。誠不若醫院破毀兵士之速。噫。亦慘矣。

前述之情狀。尙以平易之言敘述之。苟更加描繪。則盡人將信醫院爲瘟疫之巢穴。維廉盧思爾氏曾謂其惡臭。令人可懼。更有謂鼠類竟往還奔走於病人血肉之間。或且吞食病者之斷肢者。此之現象。聞者慘變。苟有正當督率之人。爲之清潔。爲之瘞埋。亦何致如斯耶。

因克里米戰役。發現如是可怖之現象。於是盡人之意。皆謂歐洲於軍用醫藥設置。當特別注意。而英人對於同盟之法國。尤切望其改良。蓋法國受軍醫不良之害。尤甚於英故也。顧法政府旣甚驕。泰而法民

因民權主義之輸入責任之心反銳減無人以戰事引爲己任者以故法德之戰法軍所獲結果至不幸也。

普魯士得一八六六年奧斯馬加戰役之經驗重以大人物俾士麥爲之指揮故未致如斯之錯誤才能之人既賦有相當權力復伴以自己之責任心乃能各稱其職當開戰之始軍醫界之當軸者卽宣言彼等當以其國之衛生制度與世界之最優者相競爭服務於戰地者若官吏若士民皆具有特殊之能力鑒於病院擁擠之弊害其軍醫部乃分爲多數之獨立小組組織而創成多數之小醫院各院對於病者傷者皆能以慈善之心救之出於可懼之危險而於多數病體雜居所可發生之害亦能先事預防於此各院外每戰士三萬人又各附以輕便醫院十二而各團兵士於軍用外科醫學亦多識其端倪足以補醫院之缺點每兵士八人中卽有一人可以執醫士職務其對於傷者常以居空闊之地爲利以雜居一室爲危各軍團皆隨有多數之藥物車供給外科器具包裹材料及昇牀等物軍醫部之居室用水皆擇其地之最佳者其制度實可謂完備某軍醫曾言「戰事開始吾曹於其所發生之危險當爲相當之平服」誠非夸言雖然李司特耳之學德人知之太晚因之此時軍醫中尙未能實施其術而多數苦痛可慘之結果尙時時發生也

依戰事最初報告德人救濟傷者病者實極敏捷其軍醫部醫愈衆多之人使之回復健康各國軍醫界



對之極爲歎服。其前敵軍士皆自揀選而來。故於呼吸新鮮空氣之利。局促一室之弊。皆甚明晰。惟其後行至美斯 Metz 塞典 Sedan 與法人接近之時。法人以污穢所發生之傳染病。傳播於敵軍。斯實法人對其戰勝者之一報。施德軍未嘗不蒙相當之損害也。

德人對於蒸熱痢疾及其他軍隊流行病。雖能遏止。而於膿血血毒諸症候之危險。則未嘗有防維之方法。但從其紀錄所載。固不若前此禍毒之甚耳。其使傷者居於空氣流通之處。避斗室雜居之弊。誠有實利。惟其利未可謂其臻於美滿。無他。強有力之防維方法。李氏防止血毒之法。時尙缺如故也。其外科醫士中少數於李氏在蘇格蘭之事業有所聞知。惟大多數則未嘗知悉。迄戰事既停。彼等怵於戰時所經歷之危險。遂皆熱忱師法李氏之學。所惜者李氏防止血毒之法。具救人生命之力。而德人當戎馬倉卒之時。未暇法其術以濟人耳。

德之外科醫中亦有知炭酸之用者。彼等常以炭酸溶液注射創傷之處。從其經驗對於炭酸劑乃益信任。除注射創傷外。尙有他之用法。其最主要者。卽以炭酸水浸裹傷之麻布。是其法。以軟布一條浸於炭酸溶液。然後以之包裹創傷。特是於李氏重要之法。所以防止炭酸之化氣者。未嘗注意。以故於浮淺之創。可以治愈。而於鉅深之傷。則每致成膿血症之慘劇。或動脈管發生潰瘡。血液陡然流出。或創口潰爛。致生種種危險。有習見李氏之法者。謂確守李氏包裹之法。彼未見有結果如斯者也。

要之其醫院紀錄所以紀疑難之症候者即所以紀手術之失敗本章於德外科醫院之險惡現象殊無庸細述茲略載其一二可耳鋸斷肢體之事結果常為不幸斯怒米耳氏躬行自膝節鋸斷之手術三十六次各次皆致被斷者死亡因使其不得不中止其術馮勒斯報其後固為李氏德國高足弟子亦有同此之結果繼續失敗至三十四次如是之手術實反乎醫士奏圭刀慈善之本意相傳下肢之鋸斷罕有得愈者致死之原大抵在於血竭腐潰血毒諸症而據他之傳說當時血毒一症各地流行醫院即為血毒症之煖牀（烘熱植物促其發生之物）雖設置完備者亦不免有此情事新建設之醫院數週之間可以免除血毒症之禍害自斯而後又復發生惟惡疽一症比較上甚居少數原因何在殊不可知耳

法國之外科醫士經克里米戰役及一八五九年意大利戰事之歷練又得國人巴斯脫君為其先覺而其國又為拿破崙第一徵集大軍之地拿破崙於醫藥之部亦嘗盡力創設以為戰時軍醫之備其醫界宜有進步顧法民記憶力弱於拿破崙之創設并未能保持克里米及意大利之經歷雖足以驚之使覺然未嘗造成如何之大人物彼等無俾士麥其人者為之領袖以實力創為各事以故彼等雖得有經驗具有慈心且獲有可以造成英雄之時勢法之軍界設備醫界設備仍如孩提以紙片造成之房屋一經抵觸即行解體各地醫界設備多以創行不力管理不當而致悲觀法民於爭得自由時曾以最高尚之才力從事使歐人見而生驚而今者作事既眇責任之心又少監督之力稍被阻難作用能力即全喪失殊可

歎也。

法軍醫藥部之惡果。殊令人聞之。生懼。慈善之本意。全爲乖謬之措施。所銷滅各方面。全無適當之管理。於管理失當以外。又加以無情漠視之情勢。於是疾病創傷之人。遂食其慘惡之結果。其慘惡程度。尙遠過於斯古他里最惡之時。法軍之創傷者。至寧忍受其敵人粗漏之慈善待遇。而不願受其國人不仁。而且無益之醫治。則當日情勢。可以想見。至法京圍困之時。其禍惡。乃達於極點。創傷者。羣集於巴黎之醫院。各大建築及私人住宅。均爲之滿。但因致死原因。慘惡達於其極。常能空其室。以爲後至者地步。惡疽血毒諸症。均極流行。無論前此何項疫癘。皆遜其惡。毒使李氏之學。早經輸入。抑何至於斯。過巴黎之街市者。聞有惡臭。卽知與醫院相近。截斷肢體死者。常居百分之九十。餘十人。則以殘疾延年。據總監察支留醫士之報告。合截斷手指足指者。而言。鋸斷肢體者。總數一萬三千一百七十三人。因而致死者。達一萬零六人。斯卽慈善醫術所造成。可懼之死亡現象也。

巴斯脫君。當九月間。法京未被圍困時。尙留居巴黎學校。嗣因友人之勸告。見夫未來之無可希望。遂退歸奧伯耳。致身於蠶絲農田。釀酒諸業。營業異常發達。彼一人對於德意志所償付之賠款。卽達一百萬鎊。人每異其於李氏新法。未嘗竭力推行。或疑其外科醫學尙不足以確切計算。防止血法之價值也。當是時。巴黎最著名之二醫士。一爲阿風司蓋倫。一爲瑪孫勒夫。茲二人均新迫省視。爲李氏之先進者。

均。嘗。利。用。炭。酸。劑。但。其。用。法。與。李。氏。不。同。瑪。氏。於。外。科。診。治。中。比。他。之。醫。士。常。獲。有。效。果。以。故。於。當。時。醫。界。中。博。有。領。袖。之。高。譽。但。其。在。和。梯。地。執。業。時。凡。鋸。截。肢。體。無。不。致。人。死。亡。在。巴。黎。各。醫。院。皆。抱。同。此。之。悲。觀。雖。巴。塞。之。木。屋。病。院。中。凡。鋸。截。肢。體。之。人。莫。不。因。膿。血。血。毒。諸。症。以。喪。其。生。命。也。

斯。之。戰。役。於。李。氏。成。蹟。公。布。於。革。拉。斯。哥。之。後。亘。三。年。之。久。醫。界。中。以。其。仁。術。施。於。不。幸。之。傷。兵。者。竟。無。一。人。醫。士。中。有。謂。李。氏。之。法。過。於。繁。重。需。時。太。久。因。之。不。適。用。於。軍。醫。者。殊。不。知。李。氏。之。法。施。諸。實。用。其。簡。易。固。達。於。極。點。特。彼。等。未。習。其。法。不。之。知。耳。

軍。事。時。代。政。令。齊。一。推。行。李。氏。之。新。法。誠。最。相。宜。蓋。在。平。和。時。代。欲。使。一。法。於。短。時。間。內。普。徧。適。用。其。事。至。難。惟。專。制。之。邦。如。俄。羅。斯。日。本。者。爲。能。從。事。急。速。之。改。革。不。起。騷。動。普。魯。士。人。民。於。其。最。高。機。關。之。意。向。亦。能。爲。急。切。之。順。從。他。之。國。家。於。改。革。之。事。祇。可。緩。進。急。切。之。改。良。僅。戰。時。可。行。之。耳。法。德。之。戰。誠。與。法。人。以。機。會。以。推。行。李。氏。之。良。法。法。人。竟。未。實。行。其。事。殊。可。惜。也。

李。氏。當。戰。爭。之。始。刊。布。小。冊。載。述。對。於。戰。時。傷。兵。防。止。血。毒。之。法。就。其。敘。述。加。之。注。意。此。寶。貴。之。法。則。卽。無。難。仿。行。使。法。人。留。意。及。此。則。所。救。濟。之。生。命。何。可。勝。計。軍。隊。受。其。利。益。又。何。可。勝。計。觀。其。所。述。治。法。極。爲。簡。單。絕。無。詆。其。法。不。便。利。於。軍。醫。之。餘。地。全。冊。篇。幅。僅。及。四。頁。茲。錄。其。所。述。治。法。於。左。

(未完)

# 宗教類

基督誠命 (續第八期)

莫安仁譯

第一 戒怒。古訓戒殺基督言「怒亦宜戒」(詳見第二十二節。並參考第二十一節及第二十三節至第二十六節)

第二 戒好色。古訓戒淫基督言「好色亦宜戒」(詳見第二十八節。並參考第二十七節及第二十九節至第三十二節)

第三 戒誓。古訓戒僞誓基督言「誓皆宜戒」(詳見第三十四節。並參考第三十三節及第三十五節至第三十七節)

第四 戒報復。古言反報日償日齒償齒基督言「報復不合於道宜戒之」(詳見第三十九節。並參考第三十八節及第四十節至第四十二節)

第五 戒以敵爲仇。古言愛友而仇敵基督言「敵亦宜愛不可仇之」(詳見第四十四節。並參考第四十三節及第四十五節至第四十八節)

五誠之條目若此庸俗見之或以陳義太高難於實行因而灰其依從基督之心者殊不知五誠之陳義雖高利益之及人亦鉅奉教之人但將各條義理研究明悉則中心感動畏難退却之念必無自而發生

基督教人匪獨口說耳聞徒有言語蓋以道理感化使人思念與義理相符合乃爲誠心向道也基督宣示五誠意在置天國於人世。人必保守天國世界乃克太平庸俗社會憂患叢集戰爭疊起皆人之不守五誠有以致之。社會之中其能實行五誠者所得感化必深且鉅蓋人依從基督夙夜修省積誠意以悔改奉五誠爲準繩則神明所通寤寐之間皆遇上帝其利益實極大也。以下將五誠之義理分釋之。

第一 戒怒 古訓戒殺基督言「怒亦宜戒」蓋以怒爲殺念之根也。古於褊急驕傲忌嫉忿恨視若常事社會不以爲非法官不以爲罪基督不然意謂此類行性與殺無殊。上帝論罪迥異。人世注重表面上帝注重中心法官見人違犯法律科以刑罰上帝不然未問人之行事先觀人之性情性情不純必加懲戒蓋以心思性情爲人之善惡之標準也。斯爲上帝論人罪惡之要點。

基督之言曰「人欲禮拜上帝須先自省有無忿怒之心」蓋心中忿怒則不能至上帝之前外雖禮拜亦必無效。禮拜上帝所以觀感激動啓其良心心中忿怒已違教規安能與上帝相感通。基督又言曰「心有怒意者須先息怒與同胞和樂如常然後可禮拜上帝」怒爲上帝之所惡也如此。

人羣之中倘有褊急驕傲忌嫉忿恨易於動怒之人則去道日遠不能與上帝相感通在其個人既有爲上帝擯棄之危險而在羣衆無論國家社會皆恐因其扞格致上帝之恩澤不能下及人世之文明前途以上帝之感化爲進步之基本人羣若見棄於上帝則文明退化前途衰敗究其本源皆以怒之一念有

以致之。是故易於動怒之習與殺人兇惡同爲道理所不容小而個人之爭鬪大而國家之戰爭悉以怒爲基本。人惟無怒乃無流弊。易言之。『人能禮上帝受感化世界乃能太平』。怒之關係人類也如此。昔有某媪年百有四歲矣。訪之者問曰。『媪見事夥矣。媪之生平所以爲憂者維何。所以爲最足動人思慮者維何。』媪率爾而對曰。『其維性情不純矣。世間不平都以斯而發生。』問者曰。媪言極是不但媪一人之見。若是英國全國以及世界之人意俱若是。性情不純誠種種煩惱之本根也。』吾人觀此問答可知基督戒怒即使人性情純良耳。故基督所言皆切中社會之情弊。

吾人就此誠命推廣言之。不但己不可怒。尤可息人之怒。自己緘口不言不先啓釁則人怒氣無從發生。人人如是事事如是。世界擾亂紛爭之事即無從而起矣。以防止人之生怒免庸俗之爭鬪猶之抽薪以止沸計之最善者也。遇人爭鬪設法息其怒氣使之和平協商則互相尊重人類必進文明國與國人與人羣與羣和合興盛之機均以斯爲起源。庸俗或慮和合一事未易言者。殊不知怒有緣由。若將怒之本根設法消滅則紛爭之事尙奚自發生乎。譬若昔日歐人俗尙決鬪以流血爲目的。視生命若鴻毛。英國於百年前以法禁止此風。遂革德國至今沿習未改。德皇謂此事足以養人勇氣。然英禁決鬪至今人亦勇敢。是可知息怒與人有益。競爭主義未若協和之有利無害矣。

歐洲前者誤解國家主義互相爭競若同盟若協約稱雄競霸。怒氣一發戰端遂開。迄今數月未見解決。

英國宰相並外部大臣等提倡和同不取爭競是即依從教旨之言也設使往日歐人早知此義戒怒去爭和平交際則安有今茲之巨戰乎語云東隅已逝桑榆非晚歐人今日其速醒悟其速悔改依從基督去忿怒務和平舉忌嫉驕傲尙氣好爭之習掃除罄盡存於中者無怒心現於外者無怒氣勿生害人之念勿爲勝人之言罵詈之聲不聞於耳讒間之語不留於心倚上帝之神靈將怒之本根竭力消滅愛人助人一與教旨符合嗟乎人心若此庶足爲上帝之佳子而造幸福於世界耳誠愛上帝者幸共勉之

第二 戒好色 古訓戒淫基督言「見色而有好之心者亦宜戒之」蓋以淫亂之事以好色之心爲基本淫亂於人爲害甚鉅故特廣其範圍以示懲戒也俗世淫亂之事吾人未及見者綦多吾人但於法院見姦非重婚離婚諸案當知淫亂之爲害社會實大且深家庭之間夫婦不和則諸務廢弛問不和之原起大半由於先有淫亂之心常見淫亂之人游蕩無度離散家室及至事久中懷悔悟又或憂愁羞恥大則喪失性命小亦潦倒一生以夙有名譽社會欽重之人一經失足有淫亂之事則名譽盡失見棄社會爲人類所不齒推厥原因皆好色之心有以致之也好色之爲害也如此

託爾斯泰氏曾著一文論淫亂之害謂有阿那卡尼那者有名之美婦人也秀骨天成才華出衆嫁夫某官已生子矣夫長厚一心服官不問家事一日阿與某武官遇兩情相愛卒及於亂阿棄原夫武官棄原妻相約同居如膠似漆未幾愛情漸淡疑忌又生阿悟失足之非自盡於鐵路軌道武官某亦棄官閒居



夫以社會有名之美婦。國家有用之武官。因好色之一念。乃至各敗其家。一則殺身。一則去職。則好色之爲害。凡聞之者。可不引以爲戒歟。

基督之言曰：「夫婦一體。夫棄妻。他娶。妻棄夫。他適。均爲淫行。」（詳馬可第十章第八節及第十一節）又曰：「離婚。另配者。淫行也。配所離者。亦淫行也。」（詳路加第十六章第十八節）又曰：「非因淫亂而離婚。是使之有淫行也。」（詳馬太第五章第三十二節）可知男子娶妻。以一人爲正當。已成配偶。非因淫亂。不可離婚。一夫一妻之制。後人認爲文明之極。則基督固早言之矣。一夫一妻之制。使家室平安。國宗強盛。不獨合乎宗教道德。其裨益社會。實非淺尠。基督所言。比摩西爲深遠。「除淫亂外。不可離婚。」其尊重夫婦之倫。實非他教所能企及也。

基督教人不可有好色之念。蓋淫亂之事。爲好色之念之結果。凡人作事。皆先有意思。而後動作。淫亂之由於好色。亦猶是也。好色之念。蘊於中者。愈久。則成於事者。其害愈深。心中好色。則思想淆惑。道德墮落。流弊不可勝言。人當良心未喪。清明在躬。亦嘗惡言淫亂。恥說好色。須知此種良心。應日日在念。須臾不忘。基督教人。凡有好色之念者。速以良心滅之。蓋以當好色之念發生之始。若不速爲消滅。則蘊蓄漸深。自己抵制之力。日薄。必至不可收拾。可不慎歟。

庸俗之徒。或有謂好色之心。人所恆有。以此爲戒。猶之抉人目。斷人手。甚非人情。殊不知人生行事。祇計

是非不問難易好色之念既有鉅害則雖去之匪易亦當竭力遏抑使之不得發生古之志士尙有殺身以成仁者况祇去一無形之思念乎人不消滅好色之念則良心日喪人格不保勢不至敗家亡身不止雅谷第四章第四節之言曰『嗟爾好色之徒爾徇俗世之情慾爾違上帝之罪大矣』凡依從基督者聞斯訓語當亦知所做悟矣

總之好色之害上帝之慧眼察之極清基督奉上帝之命教人力戒勿使幾希好色之念萌芽滋生蓋以心中好色即不能與上帝相感通人爲上帝所擯棄將何以受福達道乎經曰清淨者有福凡有志者其依從基督堅守誠命清心寡欲以冀與上帝相感通也可

第三 戒誓 古訓戒僞誓基督言『誓俱宜戒』蓋以發誓一事損人格之端莊犯上帝之尊嚴無益而有害者也原發誓之初意不過冀天聞知祈天證明常人語言之際每呼天以明心即是意也殊不知天道甚邇人間善惡天悉知之初不待臨時之發誓此誓之無益者一奸宄無賴雖有誓言仍多虛僞此誓之無益者二有道者人格完全無待外助以誓求天之助是爲自損人格此誓之無益者三人生作事無論對人對己在外在內悉應真實如一以誓表明所言之真實是不啻自供其平日未誓時語多虛僞矣此誓之無益者四總之發誓一事無益有害上帝鑒臨不視誓之有無發誓時不可虛僞未誓時亦須真實雅各第五章第十二節曰『諸同胞幸勿誓勿指天地而誓勿指萬物而誓惟出言真實是則曰是

非則曰非斯可已不然者必獲罪於天。』當時門徒謹慎出話遵行誠命職是故耳。

英國法院問供時使人先行發誓基督教中奎克兒教徒最非議之其言曰『吾人平日一言一行上帝無不在前何獨於供時爲然不問曾否發誓上帝悉聞悉見言無虛僞上帝知之言有虛僞上帝亦知之人之中心本應須臾不忘上帝今以發誓爲心向上帝是必心中時有上帝時無上帝豈非自滅其道心乎』斯說也可爲恪守基督教旨者矣。

凡人語言之際恭敬謹慎小心翼翼毋太過毋不及毋失眞毋誤會語言若有不可以對上帝者卽有不可以對自己之人格無論何時何事皆宜眞實而適宜多言者非少言者亦非庸俗之徒有時不願直言而故迂迴曲折繁縟其辭使言之不顯聞之不覺是皆上帝所不許者也是則曰是非則曰非本信實以爲標準斯無背上帝之命耳彼語言瑣碎無條理無倫次者皆從惡念而來與宗教道德皆有不合依從基督者幸力戒之。

基督此誠於人學文亦有關係人於研究文學之時誠守基督此誠則理明詞達文無贅句文之佳也可知庸俗爲文非失之奧衍卽失之空虛非失之草率卽失之蕪雜匪特不爲佳文且文品之卑下亦可見矣人之文章愈簡直者其品行亦愈高尚因人知以信實爲標準眞理所存既虞太過又恐不及卽不敢肆意多言也庸俗之徒或又以文簡直則不佳殊不知文之佳者語必不多確切之文必簡直也。

總之吾人崇奉上帝無論講話通信作文著書皆宜遵守基督此誠以保自己之人格倘不然者虛偽失信非獨上帝所不許其將何以爲人耶依從基督者其注意焉

第四 戒報復 此誠歐洲近世極以爲重託爾斯泰氏亦最信之託氏因此誠而反對戰事且言「人打爾爾勿回手人打爾子爾宜勿問」託氏此語未免有太過之譏吾人研究基督此誠蓋以改良古訓對於各人自己而言試將基督所言與摩西法比較觀之即可得其真義矣

按摩西法承認反坐乙傷甲足准甲刖乙丙毀乙鼻准乙剝丙傷人者所加之程度如何受傷者可按其程度以報之古代刑律曾有是法現已久廢不用國家之主旨亭天下之不平國家執行此權或可無弊個人自行則有危險甲受乙害或張大其事藉圖雪恨斯時報復即不能得其平矣循此不改勢必盡棄公道而憑武力疊爲報復何時終止此基督所以謂報復不合於道必宜戒之也

基督意以報復於事有損無益宜籌良法以利推行庸俗社會弊病綦多報復主義不可爲救世良策上帝教人就社會全體之利害統合籌畫不祇計及個人惟行此誠使社會向化譬若流水灌溉深及其根則種種弊病庶可革除凡人於事不可祇顧目前不圖永久基督此誠發前人所未發言往哲所未言守誠勿失既免暫時之害且可垂諸永久而無流弊基督之意不但使人遵守此誠便於處事又將人之意氣從根本改良則後日不公不平私己害人之事無自發生天國規模存於人世其利益可勝言哉

(未完)



## 智叢

飼犢記 (續)

邵寄園

犢於陽歷三月之前生者。至天氣甫溫和(六月)即可出外牧草。惟不可於晚間躡臥門外。待至霜盡時而後可。其於每日仍食胡麻餅與穀粉等。犢於春夏生者。則全年中均不宜外出。於實驗中已見小犢無草亦能繁育。且可免有胃病。至來春始可無虞。家蓄之犢生五月者。可食青料。如夏天可食切碎青草與扁豆。冬天可食切片蘿蔔。逐漸加多。中午食餅與穀粉。每犢生後自九月至十二月。其午餐以一磅胡麻餅半磅穀粉爲度。於上午十時可令其出外浴水。并牽之遊行練其氣力。槽邊當置石鹽一塊。以備其舌舐。飲食須有定時。爲牧畜莫大之緊要。

犢生後前六個月中之食料列表如下

第一星期飲本生牝牛溫乳每日三次自第三日起每次自一瓜得加至二瓜得

第二星期兩瓜得之新溫牛乳每日三次（不必限定本生牝牛之乳）

第三星期兩派茵之新乳并三派茵之撇皮牛乳（或提肥牛奶）與半派茵之胡麻漿或半湯瓢之魚肝油每日三次

第五星期三瓜得之溫和撇皮牛乳與一派茵之胡麻漿或一湯瓢之魚肝油每日三次并用少許甜味場草料逐星期加多

第九星期中午之牛乳與乳皮質皆停止早晚均飲以五瓜得之提肥牛乳中午給以一握胡麻餅碎其場草料逐星期加多

第十三星期牛乳照常并投合胡麻餅與研碎小麥重一磅四分之三蘿蔔醬半加倫後漸加多草料多少隨便

第二十一星期牛乳照舊并投合胡麻餅與穀粉一磅草根加多草料隨便

第二十四星期晚餐牛乳停止

第二十七星期牛乳完全停止

雖撇皮牛乳較之提肥牛乳富有肥質惟提肥牛乳以之飼犢較之提肥牛乳略強以其新鮮且甜香也若早晚於提肥後即飲之則不用加熱也此項牛乳傾之桶中少頃其泡沫即清或助之以手亦可將泡

沫提出

飼犢食料費列表如下

頭十二星期

新乳百廿瓜得每瓜得一辨士又半

胡麻粉

提肥牛乳百五十加倫每加倫一辨士草料六石每石四辨士

美洲胡麻餅十二磅每噸九金磅

次十四星期

提肥牛乳二百二十加倫每加倫一辨士

美洲胡麻餅四十九磅每噸九金磅

研碎小麥三十二磅每石十辨士

蘿蔔十石每石半辨士

草料三十石每石四辨士有半

後二十六星期

胡麻餅百八十二磅每噸九金磅

計十五先令

計二先令一辨士

計十二先令六辨士

計一先令

計十八先令四辨士

計四先令

計一先令十一辨士

計五辨士

計十一先令三辨士

計十四先令七辨士

研碎小麥九十一磅每石十辨士

計五先令五辨士

草料九十一石每石四辨士有半

計十四先令一辨士

蘿蔔七十石每石半辨士

計二先令十一辨士

合計食料費英幣六金磅五先令九辨士

牝犢如此培育。其生長一年者。可於春季市中得八金磅十七先令之代價。究之除所用之新奶每加倫六辨士。提肥牛奶每加倫一辨士。犢之原有價時即犢地代價二金磅四先令。并些須意外費用外。所餘無幾。其所出肥料牛糞。僅足敷飼者之工費。若善良之小犢。於一年後售之。可望較市價略高。

於飼牝犢。其胡麻漿與提肥牛乳。較之他犢須多飲六星期。然後獨給以提肥牛乳。飲至八個月。全時胡麻餅與漿當倍給之。此不過多費三十五先令。若其能成佳犢。其代價較之常犢可多得五六金磅。

牛乳之庖代 在售牛乳與製支時家。提肥牛乳頗不易得。然非此而飼犢之事甚見困難。即不得已於食質中想法製成犢漿。雖漿中之消化質稍似牛乳。究不免仍有大部份之不消化質存焉。其結果至使成爲碩腹之犢。極難寓目也。

不消化之質與合犢胃之漿之挑選成爲飼牛之難題。惟大多數售牛乳與製支時家。往往以乳量最多之牝牛乳其羣犢。至於乳不多者。則將若之何。是以犢漿之代。不得免焉。以下之製漿方。已驗明足以庖代牛乳。而其所含之膠黏質。亦與新乳略全。

(未完)



# 文苑

一誠齋詩存遺稿

上虞許傳霈 竹雨

詠桃李杏梨四花各以士事比之

才士年華一望新。好將紅紫鬪芳辰。奇文煥爛殊平淡。絕世聲名得笑嚬。豔福許消金谷酒。凡枝不到武陵春。恆蹊此日推先步。多少秦人未問津。(桃)

高士風光在目前。不須風度溯當年。獨清格調神都靜。亦列門牆氣倍妍。水樹立殘明月夜。朱欄倚徧暮春天。伴來桃杏皆時輩。敢以孤芳謝衆緣。(李)

佳士襟期似舊不。山林廊廟莫須求。繁華纔醒江南夢。車馬方誇冀北游。未減詩情紅日裏。長留春意小枝頭。歸來初罷瓊林宴。閒與東風快唱酬。(杏)

寒士生憎物候繁。猶能花樣及時翻。胭脂不染留真相。風雨無欺賴宿根。雪壓一枝難免俗。冰清半夜最銷魂。年來無復游人問。空對黃昏深鎖門。(梨)

三月二十六日與高共甫偕吳門吳憩堂游雲栖翌晨步江干轉至虎跑寺由湖上棹歸

錢唐江一曲處處栽。脩竹竹林深復深。接入五雲麓。有塢曰雲栖。五色雲歸宿。趙宋結茅庵。代住高人躅。前明隆萬間。祿宏僧不俗。坐愛好山林。鑄就新語錄。一卷法慧經。年年人熟讀。塔院在其旁。高樹蓋新綠。

好山有好泉。潺潺聽往復。佳處在此間。逾時看不足。洗心亭。洗心歸路淡無欲。

移舟泊江干。晚煙春樹團。同行嬾歸去。秉燭發高言。沽酒招舟子。聊慰江上寒。篷窗時眺望。波平靜不瀾。妓船管絃息。沙岸鷗鷺閒。此心有法慧。何必謝塵緣。夢入華胥境。馳驅大道安。潮聲驚夜半。疑是出山泉。山泉說虎跑。游興晨更豪。余舟登彼岸。行行不辭勞。數里越雲嶺。泉聲何滔滔。兩山夾雜樹。高際拂涼飈。三椽鋪老屋。山僧先誅茅。尋勝倚古井。汲泉野火燒。傳聞泉流出。瓶自李唐朝。寺僧苦潦渴。神遣二虎淘。往事莫須問。飲我熱已澆。碑摩東坡字。讀之意也消。有東坡題詩石刻

雞黍田家具。深林樂且住。午飯方醅顏立茅檐。茶筍香處處。有鳥忽呼歸。我亦尋歸路。仄徑出蠶叢。花港喚野渡。買棹回峯前。好風爲之御。蘇堤白沙堤。多少游人誤。香車絡繹來。畫船泛無數。昨江今日湖。風景笑如故。禪心與道心。至此一齊悟。

次韻宗湘文觀察寄示白芍藥詩

我是璇宮近侍身。濃妝忍與碧朱倫。縞衣未卸番風盡。珠淚纔乾仙露新。正說光華依旭日。何期霜雪殿陽春。非關白髮談天寶。悽絕瓊樓乍墜人。

瑤臺底事絕人羣。稽首東皇挽日曛。風物縱成雙鬢雪。塵寰已隔萬重雲。非徒粉本揚州畫。欲使靈根天下聞。小草無心安樸素。梢頭弄句不成文。

問高齊齋詩錄

卽事

孫慕徵女士

月印清溪草色幽。花陰覓句任句留。縱教嘔盡心頭血。終比男兒遜一籌。卽春夜事 雨過新蟾畫不如。湘簾高捲晚妝初。流螢誤認儂勤學。飛入紗窗照讀書。卽夏夜事 吹冷西風雁字斜。淒涼鈴雨夜聞笳。黃英憔悴知多少。攜酒簷前奠落花。卽秋夜事 老樹風喧似馬奔。宵深煮茗自敲冰。生平最薄趨炎客。欲却薰爐苦未能。卽冬夜事

春愁秋怨詞和李華書女士作

孫慕徵女士

東風料峭逼人寒。小院深春雪未殘。寂寞洛陽城畔路。有誰窮巷弔袁安。春愁 陌頭柳色碧籠煙。漏洩春光二月天。莫向瀟陵間折取。不因離別已情牽。春愁 小窗新霽綠陰稠。悶學劉伶作醉侯。太息春光留不住。子規啼罷又鳴鳩。春愁 零落殘紅委地空。護持無力怨東風。春來人似稽康懶。不在愁中卽病中。春愁 寸寸愁腸轉轆轤。西風衰草夢平蕪。嫦娥不解人心悶。偏向深閨獨照吾。春愁 慘淡孤檠暗不明。閒庭風靜樹吞聲。鬱金香冷寒衾薄。城闕秋深畫角鳴。秋愁 林際金風颯颯吹。夜深無語步遲遲。閨中縱有牙琴在。何處知音覓子期。秋愁 玉露凋傷景物非。秋容冷淡夢應稀。可憐樑上將歸燕。猶是依依不忍飛。秋愁

李華書學長以春愁秋怨詩八絕囑和適病目甚劇茲病稍瘥口占二絕答之 陸似石女士

春愁

遠山眉黛鎖晴煙。柳眼舒青二月天。大好韶光虛度却。病魔鎖日苦相牽。時值大病雙目幾盲迄今尙未復原

秋怨

簾外金風撲面吹。深宵閒坐漏聲遲。蟾光千里嬋娟共。何日西窗翦燭期。時華書任雲間女校教習未能常晤教言

英格蘭 (美國某女士著)

閩侯邵筱翊譯

五言五首

赫赫漢卑典 巍巍盧那美 思想與事實 榮耀無底止  
 舟棹渡重洋 爲尋南北極 寶劍同靈魂 全球生秀色  
 歌賦讚頌章 上聞如鳥吟 榮耀永不滅 方此奇妙音  
 蕭孫史谷脫 戈登蜜利登 四子無匹才 功業世世稱  
 大哉我舍勒 大哉錫德宜 事業超億兆 名傳無窮期

七言一首

身體縱然經殘戮 精靈萬古不能戕 保羅墳墓驚炸彈 統帥聲名未失常 經壇基石今猶昔  
 夢見詩家劍履行 利器殺人安在有 青山華士盡迴翔 好花墜落遭浩劫 大地環行基德光  
 縛碾火焚灰入海 猶能脫險慶雲昌 再興樹立自由幟 後起從來是更強 未死生靈知大局  
 精神在上麗華長

## 雜俎

宣戰週年日各國對於英國之頌詞

公 潔

八月一日歐洲大戰宣戰之週年紀念日也。英都倫敦各報紙是日就戰爭大勢盛爲評論頗讚稱己國之功烈信用謂英吉利國自開戰而來海上之勢力較之特拉發爾加角戰後益見張擴而就同盟國軍旅言其軍額之擴張訓練之精強軍需之充實比諸一年以前亦甚進步云。

於斯而外世界各國之重要人物對於英國一年間戰爭之功績亦各有頌詞以表示其敬禮之忱。茲擇要錄其詞義如左。

俄國內閣首相誥爾美金之詞曰：「英國安靜之信用力沈著之忍耐力蓋示世界以空前未有之模範。」

俄國外務部大臣撒三怒夫之詞曰：「英國之功勳使俄羅斯全體國民感謝景慕之忱彌於衷曲而余所尤欽仰者則在舉國人民之爲國宣勞及其海軍權勢之宏著。」

法國前外務部大臣比科之詞曰：「英吉利之宣戰乃大戰中極重要之事有此而德國之財窮力盡乃成指日可待之事實。」

意國前首相盧撒第之詞曰：「今日之戰役英國誠獲有勝利而現時之文明各國固亦以安靜之信用心依賴英國之保障也。」

其他如新西蘭島首相瑪塞澳大利亞首相佛西爾亦各致詞謂殖民地決意輔助宗國迄其戰勝而後已。現時美國人之輿論亦承認一年間戰爭之結果利於同盟國各邦同盟國之權勢終能

使奧斯馬加德意志陷於無能之地位也。

### 英國封鎖海港與美國之交涉

關於封鎖海港問題。英美交涉正在進行。合衆國最近之態度。於限制國內法及尼期司船艦之事。不承認英國捕獲裁判所之有效力。合衆國主張美洲人民。當有權由中立國船舶運貨前往荷蘭國。雖其貨原來自德國。亦所不問。英外務部大臣葛里君答覆之詞。頗著友善之概。謂英國現爲尊重中立國利益起見。現正審查各種困難之事。而尼期司艦運貨之事。亦在其內。就封港問題。葛君答詞陳義益高。謂同盟國之敵。置毒斐洲井泉。施放煤氣。擊沈商船。違背文明法則。故同盟國亦盡法以施對付云。至於合衆國爭議維持中立國與敵國商業航路之事。葛君則加以辯正。謂英國決不能承認。惟中立國往來商業。英國當謹守不干涉主義。而開戰來美國商務之增盛。亦足彌補美與德奧商業之損失云。葛君末又謂英美捕獲裁判所。規制相同。凡有不服之案。可至樞密院及國際裁判所上訴。而在彼之意。則信英國之尊重美人權利。及其合理之讓步。當可免除是等上訴也。

### 澳洲援助傷兵費之募集

澳洲新南威爾士募金援助傷兵之日。效果甚著。人民頗現忠義熱忱。而悉尼竟輟業竟日。自由車馬車電車之致金於街市捐募人者甚多。拍賣物件捐助者。其數尤鉅。捐募總額。計英金三十三萬鎊。而從街

市中募集者計英金二萬八千鎊云。

日本來年豫算之入不敷出

公 潔

日本政府現調製來年豫算頗感困難按照近年之豫算案收入總數計爲五五七・一九一・〇〇〇元支出總數計爲四九一・七六四・〇〇〇元出入相抵盈餘六五・四二七・〇〇〇元以此盈餘應國會特別會議決之支出收支正相符合編製來年之豫算關稅地稅各項既必有所短收而爲實行新法新政支出上又須增加十三兆元即較量緩急酌量不急之務展期興辦至少亦須增加三兆五千萬元國庫現有之盈餘金計一七・六四〇・〇〇〇元餘計未來之盈餘尙有五兆元兩項共計盈餘二十二兆六十四萬元內除支出來年一月至三月戰事及他之費用共五兆元補助費共三兆元豫備費共五兆元實際盈餘可供來年豫算之常用者祇十兆元耳而來年稅項短收之款當有十五兆元增加之政費至少當爲三兆五十萬元合此二項而言除與增入之盈餘金十兆元相抵外來年豫算所虧仍及八兆元也無新建立之事業而豫算所虧竟及八兆是之問題誠難解決而裁減政務減除政費之事今日又不可行海軍部且有要求於來年豫算增加特別費之議日本政府如何而可使豫算之收支足以相抵斯誠大限所當設法解決之難題亦世人所注意者也。

論日本學制一 (譯日本英文報)

公 潔

學制改良之說創議於日本者幾二十年其間因握教育權者之否認未克實行而學生學業上擔負復每歲有所增加迄於今日各學校教授科目幾出於學習者通常能力之外矣尤足議者現行學制祇可謂爲智識之教練而不足以言教育學子入學祇可謂爲輸入智識而不足言受教育蓋教員教授實際上於德育一事全不講求故也現時學校仍舊注重德育者惟海陸軍學校耳數年以前文部省曾有各種學校皆歸掌轄之議軍界長官首倡反對詰其反對之由則曰「使文部省掌轄之學校學生爭鬪於校舍之風止息此議方可以行」其議因之遂寢味其言日本教育家之忽於德育可以知矣

現今日本國會中學制改良之議案有三而多數贊同者則爲某男爵之議案其說在廢除高等學校使中學畢業者直入大學俾學生於二十三、四歲時即可畢業於大學專科而獲學位於斯而外尙有他之細點現爲委員會所討論所最足怪者名爲國民教育而其商榷祇及於教授科目教授方法於德育一方面所以鑄造國民之德性者全不注重是也夫過度之教授適足以減省學子之精力而使成傴僂曲背之流誠有損而無益至於德育一事關係至重實學士會與握教育權者所當加意今日之教室徒爲學識學費交易之場教員能從事陶鑄學生之性情者實已寥若晨星使議改學制者於此端概不注意則欲國民道德之增進蓋戛戛乎其難矣



東京報界近於其本國學制頗加攻擊其言曰「現行學制失諸太過雖在幼童往校時所攜書籍用品亦滿一囊是於其柔脆之腕力幼稚之腦力均非所宜學生惟一之目的在於試驗及第教育幾有非爲自修而設之概學子之入學校蓋有經過艱苦之試驗以期達謀生之目的之意而教育費用過重國家人民均艱於負擔云」又曰「帝國大學之教育原基於職業主義實際上帝國大學之畢業生固多艱於謀生者蓋學生盡瘁於所習待至畢業精力亦復無餘其得有高分者自可於政府及會社得有位置而不克謀生計者亦比比然也是學制繁重之弊頗望即加改良焉」又曰「外國青年當二十一二歲時多已畢業於大學而在日本少年常至二十五六歲甚至二十八歲方可畢業於帝國大學入大學肄習每月之費用常及銀洋三五十元而畢業以後所得俸給不過三四十元經過數年始可希望增進而賦閒者又復比比可謂所得不償所失日本進步之速全由輸入歐西學識所致是固盡人所共認但在今日社會已公認學制上於智育一方操之急切失諸太過是必改良學制取於簡單蓋就體育上經濟上智育上論日本學制現均急須加以根本上之改良也」日本報界現蓋異口同聲改良學制取於簡單以減輕全國人民之負擔也

戰爭與社會改良 (譯日本文報)

公 潔

今日之歐洲大戰歷史上罕觀之戰役也交戰國若英俄法若德奧皆世界之強國也戰域若法比境若

德。奧。境。又。世。界。之。錦。繡。河。山。也。事。體。之。重。洵。盡。人。所。共。知。結。果。之。宏。亦。識。者。所。同。認。他。姑。勿。論。今。試。就。戰。爭。對。於。社。會。生。活。國。民。道。德。之。效。果。言。之。各。交。戰。國。之。所。得。於。戰。爭。者。何。如。亦。一。重。要。問。題。也。今。者。戰。事。遷。延。難。期。速。結。希。望。平。和。者。輒。引。之。爲。憾。事。然。就。此。戰。事。遷。延。之。本。事。觀。之。未。始。非。戰。略。上。之。進。步。與。夫。國。民。道。德。之。增。進。也。當。大。戰。發。生。以。前。文。明。國。民。舍。生。活。上。豪。華。奢。侈。而。外。心。目。之。中。幾。無。他。事。縱。慾。放。肆。更。無。倫。匹。戰。雲。甫。起。景。象。全。更。凡。交。戰。國。人。民。心。理。中。所。銘。印。者。僅。力。戰。以。捍。衛。家。國。節。儉。以。供。給。軍。需。而。已。故。戰。事。者。不。啻。教。導。交。戰。國。人。民。崇。質。返。樸。之。良。師。也。半。世。紀。來。生。活。奢。靡。達。於。其。極。而。國。人。迄。無。道。其。非。者。而。戰。爭。之。力。乃。全。改。易。之。使。斯。戰。爭。所。發。生。社。會。改。良。之。事。待。至。戰。畢。仍。得。保。持。勿。替。則。大。戰。者。固。可。謂。之。爲。一。大。福。運。也。於。斯。而。外。尙。有。一。事。論。者。信。之。爲。真。實。者。卽。戰。爭。歷。時。愈。久。此。社。會。改。良。之。效。力。亦。當。愈。遠。是。也。

裔坡烈之劫後餘灰

邵筱翊譯

近有兩新聞記者。旅遊裔坡烈。見此繁華城市。一旦盡成坵墟。注目移時。中心悽愴。幸斯城經三星期大戰後。猶爲我有。惟殘破之極。觀以下所記。卽可明其景象也。

威廉君曰。德人之爲害於裔坡烈。技止此耳。其礮彈亦只能使墓中不幸之尸骸。暴露於道路。乃斯城之受害。雖較他城爲尤大。然仍不至落於敵人之手。未始非不幸中之幸也。

(未完)

## 筆記

仰亭攀柏居筆記墓園筆記之二

上虞許傳霽竹雨

### 關帝生日存疑

俗稱五月十三日雨。爲關帝磨刀雨。可除疾疫。世遂以是日祀關帝。誕辰相沿已久。究無所證。或指爲帝之忌日。不應鼓樂。近人書載有解州常平里墓碑文。稱關帝生於延禧庚子六月二十二日。子平生於光和戊午五月十三日。是誤。以關平之誕辰爲關帝誕辰。前明祀典。旣未詳考。宜其傳疑至今矣。案東漢桓帝改元延熹在戊戌歲。庚子當在延熹三年。靈帝改元光和。正在戊午歲。相去十八年。則關帝年十九而子平生焉。

### 遺囑宜早

屢見鬱鬱病歿者。無暇語及私事。豈真清介自持。皆能語不及私乎。亦由自己不知病狀。輕重希冀。苟活何必著此形迹。須知古賢之語。不及私者。絕無半點營私中飽之見。存於心中耳。若教訓兒孫。保持家業。皆出理之正者。何可不預時分付。俾得遵循。無失此張子楊園所以有訓子語一卷也。然亦有臨時昏瞶。或舌橋不成語者。聞某富翁有遺金若干。欲付幼子。而未曾明言。一夕病危。屏去家屬。專令幼子坐牀下。以手指頭頂作財寶狀。又以手指窗下壁外多時。終莫能出聲。幼子遂尋向求之。均不可得。次子某在戶

外見病父手指狀。默識不忘。後遂從樓板及對宇塔砌下開掘。得金珠若干。揮霍殆盡。竟不爲幼子所有。幼子遂不能起家。此因由造物轉運財寶。不終爲守財奴。有之一法。而幼子無辜罹此鞠凶。究病遺囑之不早也。吾儒愛道。當無殊富翁之愛財焉。得鬱鬱而歿者。盡傳其道於子。若孫耶。近因有理財友人歿。不語及經手之事。感而書此。

### 麒麟楮

得宦游者來書云。自恨不由科第起家。比諸麒麟楮。按唐楊炯每呼朝士爲麒麟楮。謂弄假麒麟者。必修飾其形。覆之驢背。及去皮。還是騾也。蓋謙言驢飾以麟形。猶非科第而得外官。雖成麟形。內實充以騾背。是驢爲麒麟之援矣。取喻雋妙。俗語有鞋襪頭之稱。讀如喧。去聲。雕木成鞋形。凡業履者。取以充其中。故其字從木。俗作楮。說文襪履法也。卽俗語所謂鞋襪頭是矣。俗音多與古會類如是。

### 朝山王

崑邑四野無山。惟城內玉峯特起。形勢崔巍。無怪土人稱以山王也。俗例於四月十五日。昇各鄉塑神。佐以鑼繖。先後入城。近山麓三四百步。則相率疾趨。至山王廟前而止。復由旁路退出。再趨至廟前。如是三四五次。約自中午至晚。絡繹不絕。不下二三十塑神。雖似嬉弄神通。值此桑農方興之際。謂此次賽會。後皆當努力蠶田。未始非一張一弛。休息斯民之道也。

問高齊齋筆記

上虞許家惺默齋

紀北京動物園

動物園即俗稱萬生園。隸於農事試驗場之一部。場爲前清農工商部所築。就可園舊址。復拓園東之地而成者也。世稱三貝子花園。距西直門外三里許。歲己酉春。余游京師。由弟子劉仲書導游其地。洵我國生物園之大觀。園中約區禽獸水族各房。獸房建築高敞。作八面形。禽房則爲長方形。水族則蓄之於池。毛羽鱗介大致完備。其最著者。則有非洲之獅及小獅。戊申臘月所產銀獅。較小而毛色印度之虎。美洲之大豹。小豹。俄國之黑熊。非洲之斑馬。獾。灰色如牛而皮較短鱷魚。印度之鱗。長約三丈許澳洲之袋鼠。其大如羊。其雛皆半匿於袋中。澳洲之鴝鳥。若猴類。則有黑面藍面長尾墨猴。壽星猴等。鹿則有梅花鹿。白鹿。紅鹿。羊蹄鹿。麇等。羊則有各地羚羊。駝羊。牛則有白牛。水牛。兕牛。大者如小象。小者如小豬。六月已如小雞。犬類較多。而以獅子。犬。遍身滿披黑毛。如獅者爲最異。熊則有黑熊。長尾熊。馬則有八蹄馬。是但爲畸形之一種耳。雞之奇者。有日本長尾雞。廣州珍珠雞。鳥類尤多。若雁。若鵝。若雉。若鷓。復有孔雀。仙鶴。五彩鸚鵡。具有藍白黃綠諸色。他若松鶻。相思鳥。畫眉。八哥。了哥。藍點紅點等鳥。及各色之珍珠鳥。其小如拇趾。五色斑斕。殊可觀也。復有大鵬。一利爪。鉅喙。振翼欲飛。另有一室。有象一頭。高約五尺。聞尙有宮中移置之。大象一頭。高約丈許。因不喜遷地。絕食而死。亦一奇也。其餘吾人所僅見者。則有貂鼠。跳鼠。五采松鼠。黃狐。蒼貉。黑獺之類。皆可。

珍焉。水族除龜龜外。尚有一類大頭龜者。身略長。於常龜其鱗次稍似玳瑁。而頭特大。凡於熱帶動物檻房之外。圍以玻璃窗。內置火爐。中置攝氏表。以驗熱度。苟熱度不足。往往僵斃。有西員二及見習生一班。專司飼料。是項動物。大半由端方由德國購置而來。其中少數則產自本國。由內外官吏所購贈。糜費十餘萬金。雖不能與各大國生物院相頡頏。然在我國。則洵爲大觀矣。

江海遇險紀略

余於光緒乙未八月二十八日。痛遭先慈之喪。越三月。孟冬。扶遺櫬回上虞原籍。時三伯考竹清公。亦歸葬家山。乃侍先嚴。偕余堂兄弟翁齋。徹齋。篤齋。胞弟善齋。澤齋。暨翁嫂。余妻。余女毓華。姪女棣華。并男女僕婦等十五六人。由海寧至杭。渡錢塘江。而西興。而鯉浦。而嘯金。雇船渡曹娥江。不意舟至中流。風雨大作。船之右舷。橫置兩樞。風從左來。船身右欹。其時全眷皆蜷伏短篷之下。而余妻張復病瘧未既。風猛潮急。舟幾顛覆。舷側距江面者僅尺許。而舟子力弱。不能把舵。狂呼曰。舵不穩矣。脫兩樞先欹。則舟中人皆成魚鱉。幸風勢略轉。力亦略弱。遂行十五里。至賀家埠。避風始慶。更生焉。後至宣統庚戌正月二十八日。余偕英儒李提摩太。乘盛京輪赴京。次日午後一時。至黑水洋。東北風大作。船身顛簸不定。同舟皆嘔吐。至二月初一。午前四時。抵成山頭。風潮愈大。船作左右欹。忽一巨浪。擊入官艙。挾余行篋什物而去。幸余睡上牀。未爲捲去。余舟遂停輪拋錨。至次晨。啓旋。是皆余所歷江海遇險之大概。

# 上海 滙豐銀行 及虹口分行告白



啓者本行收足資本洋一千五百萬元  
公積英金值洋一千五百萬元又銀洋  
一千八百萬元共合洋三千三百萬元  
另議定備用股本洋一千五百萬元總  
行開設在香港分行在倫敦廈門暹羅  
包帶維亞孟買加拉吉打古隆北廣東  
福州德國漢口愛巴軸化神戶古喇喇  
伯長崎意陸伊羅法國買拉夾呂宋紐  
約檳榔晏貢西貢舊金山新加坡蘇拉  
巴亞天津青島北京橫濱其上海行與  
各商往來暫存本行之銀及定期存款  
等均請至本行面議代付本埠匯票並  
辦理銀行一切應辦事宜匯票可以匯  
至倫敦歐洲印度新舊金山美國中國  
東洋等處大通商碼頭特此佈聞  
民國三年十一月十日

## 聖經辭典出版之預告

聖經辭典一書中國教界最爲缺乏需用亦甚急以前雖有類此之書然亦屬西國前五十年之舊本今已難適用西國神學進步猛速辭典亦日新月異其中尤以英國海丁氏辭典爲近世最新最優之本原書經多數名人編輯內容至爲豐富凡關係聖經中地理天文人物事蹟等等無不一一搜羅盡致考究詳明價值之高亦可想見本會特選譯是書以享中華人士二三年來工本之巨是書實居第一主任參譯者季理斐瑞思義兩大道學家一主任譯新約一主任譯舊約第四斯工浩大非數人之力所能成功故復邀請各省著名教士三十餘人分類譯著荷蒙熱心襄贊俾得同力合作今是書已完全脫稿即付印刷一年之內便可出書試先述是書所有之大特色如左以便樂購者知所採擇焉

一是書由西文逐譯但無一毫拘滯惟以活潑處之凡譯出者皆極有利益極有關係之題 二在今日中國所不可缺少之題而爲原書所未有者則由譯者自行著述一併列入例如拜祀祖先教會自立自養等均爲研究之重要問題 三佛回道各教俱今人所欲考欲知者是書特將各該教皆獨立一題博引旁搜足爲考查之明鏡 四無論譯著各題皆根據聖經立論絕不憑空獨撰 五體例或簡單說明或長篇申論與中國辭典祇取簡單體例者不同 六門類繁多無美不備 七中西目錄俱各全備極便檢查 八附有精美輿圖詳列聖經所載各地 九文理特取淺顯期於普通 十印字大小合中可省目力 十一卷帙巨厚全書共八百餘大頁 十二裝訂精雅洋式二冊紙章潔白尤爲美觀 十三工本雖巨價目從廉 十四發行預約在預約期內訂購者猶可省費

據以上種種大特色觀之誠中國教界中之傑作亦今日基督徒急需之要書也出版已近試一購讀之是書出版牧師讀之爲傳道之助手爲說教之資料教友讀之爲明道之教師爲查經之津梁各界人讀之爲信道之媒介爲入教之導線利益之普實難罄述且近來中國官紳各界問道者不乏其人儒釋各教辯難者實繁有徒是書於談道解惑亦實具有莫大之助力則是書一出其有功於中國教會前途可預卜也再本會創立至今三十餘年印行各書專爲中國謀進化爲教會求益助起見絕非營利者可比今出是書亦惟望暢銷海內藉以闡明正道灌輸真識於五色國幟燦爛之中土是則本會之志愿也

### 預約規則

一預約期至本年陽歷年底截止 二預約價每部洋二元五角 三合購十部者減收二十二元五角 四合購二十部者減收四十五元 五郵費在內不另取給 六書費皆以實洋匯兌郵票不收 七訂購須先付費空函訂者無效 八書費收到後隨即發給預約券爲日後取書之據 九印有樣張函索即寄 十准於明年秋間出版 十一書一出版即登各教會報(如通問報進步雜誌等報) 聲明通知 十二過期不再展限 十三匯款通信均由河南路四百四十五號廣學會雷先生經理